

ALL NATIONS GOSPEL PUBLISHERS



www.angp-hb.co.za



info@angp.co.za

**THE HEART OF MAN
IN KANGRI**

माहणुए दा दिल

**ALL NATIONS GOSPEL PUBLISHERS
P.O. BOX 2191, PRETORIA, 0001, R. S. A
(A Gospel Literature Mission financed by donations)
(Reg No 61/01798/08)**

जेहड़ा कोई पाप करदा ऐ , सैह व्यवस्था दा विरोध करदा ऐ , कनै पाप तां व्यवस्था दा विरोध ऐ ।

सैह तुसां जाणदे इस वास्ते परगट होएआ तां जे पापां जो मिटाई दै कनै तिसदे स्वभाव च पाप नैही ।

जेहड़ा कोई तिसजो अपणा बुझदा ऐ सैह पाप नीं कमांदा, जेहड़ा कोई पाप करदा ऐ तिन्नीं नां तां उस जो दिक्खेया ऐ नां तिसजो समझेया ऐ ।

बच्चो ! कुसी दे भरमाणे च मत औणा, जेहड़ा धर्मा मुताबक कम करदा ऐ सैह वी तिसदे साईं धर्मी ऐ ।

जेहड़ा पाप कमांदा ऐ , सैह शताने लेखा ऐ कैह कि शतान मुन्डो तैं पाप कमांदा ऐ , परमेशरे दा पुत्र इसै ताईं परगटेया तां जे शैतान दे कम्मैं दा खात्मा करी दै ।

जेहड़ा कोई ठौकरे तैं जम्मेया सैह पाप नैहीं करी सकदा, कैह जे परमात्मा तैं जम्मेया ऐं ।

एस्से करी परमेशरे दी उलाद ते शताने दी उलाद पन्छाणी जांदा ऐ , जेहड़ा धर्मे दे कम नीं करदा ओ ठौकरे दा नीं, ते नां ही ओ आपणे भ्रां सौगी प्यार नीं रखदा ।

(1 यूहन्ना 3 : 4-10)

ISBN 1- 874934 - 87 - 8

माहणुए दा दिल

आत्मा दे मनं दा शीशा

(दस्सां तस्वीरां दे रूपका समेत)

एह किताब पहली दफा सन् 1732 ई० च फ्रांस देशा च छपी थी। फिरी श्री जे० आर० गशवेंड नैं अफ्रीका देशे च मिशनरी सेवा ताई सन् 1929 ई० च इसा जो दुवारा लिखी नैं इसदे सुधारेया संस्करण छपुआए। फिरी कॉपीराइट नियमें मुतावक 'ऑल नेशनज़ गॅसपेल पब्लिशरज़' संस्था नैं दुए मुलखां दी कोई 250 तैं ज्यादा भाषां च अनुवाद करूआई छपुआया तां अज एह संस्था इसा किताबा जो 127 देशां च मुक्त बंडदी ऐ। हर भाषा, तबके कनैं जातियां दे लोक इसा कताबा दे ज़रिए सच्चा रस्ता तलाशदे हन कनैं तिसा आत्मक सच्चाइया कनैं महत्ता दे जाणकार बणदे जिस रस्तैं परमपिता परमात्मा नैं माहणुए दी भलाई ताई अपना सन्देशा दिता था कनैं जिसदे बारे प्रभु यीशू दे बक्खे तैं 586 साल पहलैं महात्मा यहेज ने ब्यान किता था – 'मैं तिहज्जो इक नौआं दिल दिंगा कनैं तेरे अन्दर इक नौई आत्मा पांगा, फही तू मेरा अपना बणगा तां मैं तेरा परमात्मा हुंगा!' (यहेज 36 : 26 – 28)

माहणुए दा दिल

परमेशरे दा मन्दिर जां शैताने दा कारखाना

(1 यूहन्ना 3 : 4-10)

एह होरनी किताबां तैं हटी नैं इक देयी मन-दर्पण किताब ऐ जेहड़ी माहणुए दे दिले दी सच्ची हालता दा वर्णन करदी ऐ। एह किताब अपणे फोटूआं – तस्वीरां कनैं पैहली दफ़ा फ्रांस देशा च छपी थी कनैं तदूं तैं एह होरनी देशां दी भाषां च छपी जाई चुकी ऐ कनैं हजारां आदमियां नैं इसा जो पढ़ी नैं बड़ी आशीषां पाइयां न। एह मनां दे शीशे लेखा कम्मैं औणे व्हाली फाइदेमंद किताब ऐ जिसा च लोक अपणी असली आत्मा दी दशा जो तिस हालैं दिक्खी सकदे जिह्यां कि परमात्मा उसजो दिखदा ऐ। मतेयां इहनां पृष्ठां च अपणे आप जो पापे व्हाले दिले दी दशा च पाप कनैं तिस समें तैं तिहनां पछतौआ कीत्ता कनैं नौआं दिल पाया कनैं तिहनां च नौई फुक आई।

जाहलू तुसां इसा किताबा जो पढ़ा करदे हन तां किरपा करी नैं इसा गल्ला दा ध्यान रखनेयो जे एह इक शीशे लेखा ऐ जिस च तुसां अपणी असली हालतो – दशा जो दिक्खी सकदे हन। भौआं तुसां होरनी धर्मा मनणें वाले हन जां मसीही हन, विसुआस रखणे व्हाले जां नीं विसुआस रखणे वाले हन, तुसां अपणे फोटुआ जो इस च तदेहा पांगे जिह्यां परमेशर तिस जो दिखदा ऐ। 'आदमी तां बाहरे दा रूप दिखदा ऐ, अपर यहोवा दी नज़र मनां पर रहन्दी ऐ।' (1 शमूएल 16 : 7) परमेशवर असां जो ठीक उयां ही दिखदा ऐ जिह्यां स्थाढ़ा असल रूप होंदा ऐ।

शैतान सबनी झूठां दा पियो ऐ। सैह बुराई रूपी अंधियारे दा सरदार कनै इस संसारा दा परमात्मा ऐ जेहड़ा लोई दे दूत च अपने आप जो बदली लैंदा ऐ कनै जणासां – मर्दा नैं धोखा करदा ऐ। ठोकर दुआई नैं डिगाई दिंदा ऐ। पुराणे समें लेखा इहनां दिनां च वी मते सारे झूठे दूऐं ता चुक्कां पाई धोखेबाज फरेबी लोक हन जेहड़े अपने जो यीशू दा दूत ग्लाणे दा भरम पालदे हन। इस च कोई हैरानगी व्हाली गल नी ऐं कैह जे शैतान आपू वी रौशनी दे इक फरिश्ते दा रूप धारी लैंदा ऐ। (2 कुरिन्थियों 11:13,14) शैतान जेहड़ा बुराई दा मसीहा ऐ, लोकां दे मनां जो भरमा च पाई अन्ना बणाई रखदा ऐ तां सैह परमात्मा दे प्यार कनै महिमा जो दिक्खी न सकदे नां पन्छाणी पांदे हन कि मुक्ति देणे वाला प्रभु यीशू नैं उहनां जो बचाणे ताई अपने प्राण दित्ते हन।

‘इस वास्तें परमात्मा दे बशे च होई जा, कनै शैतान दा मुकाबला करा; तां सैह तुहाड़े व्हाले तैं न्हट्ठी जांग। परमात्मा ते नेह्दैं जा तां सैह तुसां दे नेह्दैं औंगा। पापियो! अपने हत्थां शुद्ध करी लेया कनै बुरे मनें दे लोको अपने दिले जो पवित्र करा। दुःखी होआ, कनै शोक करा कनै रोआ, तुसां दी हंसी शोक नैं कनै तुसां दा आनन्द दुआसिया च बदली जाए कनै प्रभु दे सामणे दीन बणां।’ (याकूब 4:7-10)

जाहलू तुसां इसा किताबा पढ़दे कनै इसादे फोटूआं – चित्रां दा मुआयना करदे हन तां उत बेहला तुसां अपने दिले दिया सच्चिया दशा जो दिक्खी सकगे। परमात्मा जो मौका देआ जे सैह अपणिया लोई नैं तुसां जो तुसां दे दिल दी असली दशा दस्सी सककै।

‘परमेश्वरे दे पुत्र यीशू मसीह दा लहू असां दे सबनी पापां जो मिटांदा कनै शुद्ध करदा ऐ। तुसां दे उप्पर जां तां शैतान दा राज ऐ जां परमात्मे दा राज ऐ। तुसां जां तां पापे दे गुलाम हन जा परमात्मे दे गुलाम। जे तुसां दे जीवन च पाप दा राज ऐ तां इस जो मनणे तैं

मुकरा मत ; वरन् परमात्मा दी दुहाई देया जेह्डी यीशू मसीह दे बक्खुआ तैं तुसां जो मुक्त करने जो तैयार ऐ , कैह जे यीशू मसीह संसारा च इस्से वास्तैं आया कि सैह पापियां जो बचाए कनैं असां दे उप्पर तैं शैतान कनैं पाप दी ताकतू की तोड़ै । मसीह ही असां जो छुड़काई सकदा । तुसां साफ मन परमात्मा दे सामणैं हन जेह्ड़ा सबनीं दी गुप्त गल्लां दिक्खदा कनैं सब छप्पेयो, सोच विचारां जो समझदा कनैं पन्छाणदा ऐ । एह कदी नीं होई सकदा कि तुसां परमात्मा तैं अपने आप जो कनैं अपने कम्मां तै छुपाई सकका, कैह कि – “जिन्नी कन दित्ता, क्या सैह अप्पू नीं सुणदा ? जिन्नी अख बणाई, क्या सैह आपू नीं दिक्खदा ?”

‘ दिक्ख, यहोबा दी नज़र सारिया धरतू पर इस ताईं फिरदी रैहदी ऐ तां जे जिहनां दा मन तिस पास्से तैं निष्कपट रैहंदा ऐ, तिहनां दी मददा च सैह अपनी ताकत – समर्थ दस्सै ।’ (2 इतिहास 16 : 9) ‘ कैह कि परमात्मा दी अक्खां आदमिए दे चाल चलना पर लगी रैहदियां कनैं सैह तिसदी सारी चाला दिक्खदा ऐ । कैह कि देया न्हेरा, घोर न्हेरा कुथी नहीं ऐ , जिस च अनर्थ करने व्हाले छिपी सकन ।’ (अय्यूब 34 : 21-22) ‘अपर यीशू नैं अपने आप जो तिहनां दे भरोसे पर नीं छुड़ेया कैह कि सैह सबनां जो जाणदा था ।’ (यूहन्ना 2 : 24)

तस्वीरां की समझाणां

पहली तस्वीर


एह तस्वीर दुनियांदारी च फस्सेयो पापी मर्द जनानिया दे दिले दी दशा जो दस्सदी ऐ जिसा जो बाईबल नाएं दी धार्मक किताब पापी

ग्लांदी ते जिदे उप्पर संसारे दी आत्मा दा, शारीरिक कामना वासनां कनैँ मौजां दा कब्जा ऐ। दिले दी एह सैह सच्ची तस्वीर ऐ जिह्यां कि परमात्मा उस जो दिखदा ऐ। इस तस्वीरा च झूमदियां लाल अक्खां मतवालापणे जो दसदियां हन जिसदा वर्णन नीतिवचन 23 : 29-33 अन्दर कित्ता गया ऐ। “कुण ग्लांदा रहन्दा ऐ – हाय ? कुण ग्लांदा हाय – हाय ? कुण झगड़े –रगड़े बिच फसदा ऐ ? कुण बक – बक करदा ऐ ? कुण गल फाही अपने गलैँ पाई जख्म करूआई लैँदा ऐ ? कुसदियां अक्खीं लाल होई जांदियां हन ? तिहनां दी जेहड़े शराब देरा तीक पीन्दे हन, कनैँ जेहड़े मसाला मिली शराब तोपणा जांदे हन।”

इस चित्रे मंझा सिरे दे थल्ले जो आदमिए दा – माहणुएं दा दिल सुझा करदा ऐ। इसदे अन्दर केई किस्मां दे जीव जन्तुआं दा बसेरा दिखाया गया ऐ जेहड़े माहणुएं दे दिले अन्दर छुप्पयो अलग-अलग पापां की दस्सदे हन कैँह कि दिल ही पापां दा घर कनैँ बैठणे दी ठाहर ऐ। परमात्मा यिर्मयाह नबी बक्खुआ ग्लांदा ऐ कि “मन तां सबनी चीजां चैँ ज्यादा धोखेबाज ऐ, उस च ठीक नीं होणे व्हाली बीमारी लगियो ऐ। तिसदा भेत कुण पाई सकदा ऐ ?” (यिर्मयाह 17 : 9)

(1) मोर : इक बक्खैँ जाहलू सब मोरे दे सुन्दरता दी प्रशंसा कनैँ सिफत करदे हन अपर एत्थू आदमी दे दिले दे अन्दरे दे घमण्डा जो अहंकारे व्हाले पापां की परगट करदा ऐ। लूसीफर परमात्मा दी इक रौशनी व्हाला तारा कनैँ परमात्मे दा फरिश्ता, सैह घमण्डे करी अपनी ठाहर गुआई बैठा, डिगी पेया कनैँ इत लेखा परमात्मा दा दुश्मण अर्थात् शैतान बणी गया। (यशायाह 14 : 9-17; यहैजकेल 28 : 12-17)

घमण्ड नरका दी खोही तें औंदा ऐ कनैँ केइयां किसमां अपने आप जो परगट करदा ऐ। कुछ लोक धन-दौलता दी भरमारा पर



पहली तस्वीर : पापी माहणुएं दा दिल ।

घमण्ड करदे हन, कुछ मत्ता पटाईयां लिखाईया पर, कुछ फैशने क्हाले कपडे लते पर घमण्ड करदे हन, जिमदे तिहनां दे शरीरे दी शर्म सब सीमा तोड़ी वेशर्मी खुली मुझदी ऐ जिमदा व्यौरा यशायाह 3 : 17-24

बिच ठीक ही कित्ता गया ऐ। परमेसर घमण्ड, अहंकार, बुरिया चाली कनै उलट फेरा दी गल करने व्हाले तैं घिरणा करदा ऐ। (नीति वचन ; 8 : 13) “विनाश तबाहिया दां ते घमण्डे दां नशा माहणूं दी गराबट दा कारण बणदा ऐ।” (नीतिवचन 16 : 18)

(2) बकरा : इक सड़ियो मुसका व्हाला, लम्पट बुरिया मुसका नैं पूरा भरोया पशु ऐ कनै आदमिऐ दे अन्दरा दी शरीरिक काम बासना, विलासता, अनैतिकता, बुराइयां कनै दूए दी जणासा व्हाल जोण दे पापां जो दस्सदा ऐ। ये उपरे व्हाले पाप अजकले दे जमाने दे इहनां आखिरी दिनां च इतणे बधी गे हन कि असां जो प्रभु यीशू दा 2000 साल पैहलैं ग्लायी गल्ला दी सचाइया जो मनणा पौगा कि इस संसारे दे आखिरी दिनैं सदोम कनै गमोराह दे दिनां लेखा होणे हन। इस अजे दे जुगे दी आत्मा नैं न सिर्फ मर्दा की अपर जनानियां जो वी पकड़ी रक्खेया ऐ। एही नहीं धार्मिक लोकां जो कनै धार्मिक संस्थां, स्कूलां, कालजां, यूनिवर्सिटियां कनै पढीकुआं दे रहणे व्हाली जगहां च वी घुसी आया ऐ। एह बिगाड़ने व्हाला नाशक बीह वेशर्मिया कनै बड़ी शैतानिक चालाकी कनै आदमियां दे दिलां च सिलमा, जासूसी, नाटकां कनै उपन्यासां वासना बधाणे व्हाली साहित्यिक पोथियां कनै पोस्टरां होर केई दूइयां ढंगां नैं आदमियां दे दिलां च घुसदा चली जा दा ऐ। माड़ा कनै बुरा लुच्चा जीण जीणे व्हाले कुछ फिल्मी कलाकार, खिलाड़ी साढी अजे दी जुआन पीढी दा आदर्श बणी जादे हन। नाचघर अक्सर बुरे कम्मे दे अड्डे बणी गए हन। ‘बुरे कम्मां, चाल चलने तैं बची रेहा, जितणे बध पाप आदमी करदा ऐ, सैह शरीरां तैं बाहर हन, अपर पापाचार करने व्हाला अपने जिस्में दे खिलाफ पाप करदा ऐ। क्या तुसां नीं जाणदे कि तुसां दी देह – शरीर पवित्रात्मा दा मन्दर ऐ कनै तुसां जो परमात्मा बक्सुआ तैं मिल्ला ऐ, कनै तुसां अपने नीं हन ? कैंह कि पैसा देई मुल्लैं ले गेयो हन.

इस वास्तै अपने शरीर दे रस्तै परमात्मा दा गुण गा। (1 कुरि० 9 : 19 – 20)

“जे कोई परमात्मा दे मन्दरे जो खत्म करगा तां परमात्मा तिस जो वी नष्ट करगा कैह कि परमात्मा दा मन्दर पवित्र ऐ कनै सैह तुसां हो।” (1 कुरि० 3 : 17)

(3) सूर : सूर शराब कनै पैटूपणे दे पापां जो दस्सदा ऐ। एह इक गन्दा पशु ऐ, जेहड़ा अपने रस्ते सामणै औणे व्हाली हर चीजा जो निगली जांदा ऐ भौआं सैह खरी होऐ भौआं बुरी, शुद्ध होऐ जां अशुद्ध। इसी लेखा पापी दिले व्हाला आदमी वी हर इक बुरे विचारे, सलाही बोली गंदी तस्वीरां, कनै गंदियां पुस्तक-पुस्तकां (अश्लील साहित्य) बगैरा जो निगली सटदा ऐ। स्हाड़ा शरीर इक जीदे जागदे परमात्मा दा घर ऐ। नुकसान पुजाणे व्हाला। खाणा – पीणा, गंदी आदतां जिह्यां कि सिगरट, बीड़ी पीणा, पान कनै तमाकू खाणा फीम कनै होर दूए नुकसान पुजाणे व्हाली दुआइयां दे खाणे कनै बिगड़ी जांदा ऐ। तमाकू पीणे कनै फीम खाणे दी आदत ने आदमी कनै जनानीयां जो अज देहया पकड़ी –जकड़ी रखेया ऐ जिह्यां पहलै कदी वी नीं पकड़ेया था।

शरीरे दी मौज मस्ती – नन्द कदी वी नीं मुकदा, न कदी तृप्त ई होंदा ऐ। पुराणे निजमा मुतावक पेटू कनै पियक्कड़ जो पथरियाह मारने दा हुकम होंदा था। (व्यवस्था विवरण 21 : 19–21) ‘कैह कि पियक्कड़ कनै खाऊ अपना भाग खोंदे हन कनै पीणे व्हाले जो चित्थड लाणा पौंदे हन। उड़ाऊ माहणू दा संग साथ अपने पियोए दा मुंह काला करदा ऐ।’ (नीतिवचन 23 : 21; 28 : 7) परमात्मा अपनी बाणिया च साफ ग्लांदा ऐ कि कोई पियक्कड़ परमात्मा दे राज दा बारिस नीं होंगा। शराब कोई खाण नीं ऐं अपर एह बिनाशकारी नशीली चीज ऐ जेहड़ी शरीर कनै मनां जो भ्रष्ट करदी ऐ तां जे तिसदे पीणे व्हाले

मूर्खता दे कम्म करन । सैह अनैतक होई जान्दे हन तां जे तिसजो पीणे व्हाले मूर्खता दे कम्म करन । सैह जेह्डी शराब बणांदे कनैँ बेचदे हन परमात्मा दे सामणैँ तितने ही दोषी गणोंदे हन, जितणा क शराब पीणे व्हाले; कैँह कि परामात्मा ग्लांदा ऐ कि 'हाय तिहनां पर जेह्डे शराब पीणे च बहादुर कनैँ शराबा की तेज बनाणे च बहादुर हन ।" (यशायाह 5 : 22)

संसारक स्वैँ दे पापां जो पन्छानणे च गलती नीं होंदी । "शरीरा दे कम्म तां सामणैँ हन, मतलव बुरे आचार, गन्दे कम्म, लुचपण, मूर्तिपूजा, टोणा, बैर, झगड़ा, ईर्ष्या-द्वेष, गुस्सा, बिरोध, फुट विधर्म दी डाह, पागलपन, लीला – क्रीड़ा कनैँ इहनां दे होर –होर कम्म हन । सैह जेह्डे इहनां गल्लां दे दोषी हन कुसी तरीके नैँ वी परमात्मा दे राज दे बारिस नीं होंगे, नां ही तिस च जगह पाई सकदे हन (गलतियों 5 : 19-21) यशायाह नबी दे बक्खुआ परमात्मा ग्लांदा ऐ कि अहो ! सब प्यासे लोको, पाणिए व्हाल जा, कनैँ जिस व्हाल पैसा नां होऐ , तुसां वी आई नैँ मुल्लैँ खरीदा कनैँ लेई लेया । (यशायाह 55 : 1)

यीशू ने ग्लाय़ा – "जेह्ड़ा कोई उस पाणिए चैँ पींगा जेह्ड़ा मैँ दिंगा, सैह फिरी लम्मे समें तीक प्यासा नीं रैहेगा, अपर जेह्ड़ा पाणी मैँ तिसजो दिंगा, सैह तिसतैँ इक सू :ह्ड़ा बगी जांगा जड़ा अनन्त जीवन तिक्कर उमड़दा रैह गा ।" (यूहन्ना 4 : 14)

(4) कछुआ : एह आलसे, टालमटोले कनैँ भूत सिद्धि होर टोणे –टोटके जो दस्सदा ऐ । बैबल धर्मशास्त्रे च पढ़दे हन कि "आलसी अपणी इच्छा नैँ ही मरी जांदा ऐ , कैँह कि तिसदे हथ कम्म करने तैँ इन्कार करदे हन ।" (नीतिवचन 21 : 25) प्रभु यीशू नैँ ग्लाय़ा कि "मुक्ति द्वारे च घुसणे दी कोशिश करा ।" (लूका 13 : 24) "जेह्ड़ा कोई तोपदा ऐ सैही पांदा ऐ ।" "सुर्गे दे राज पर जोर होंदा जा

दा ऐ कनै ताकतवर तिसजो खोही लैदे हन ।” (मत्ती 11 : 12)

माहणू जे अपने आत्मक कल्याण दे बारै लापरवाही करदा ऐ तां एह लापरवाही पक्का तिसजो विनाशा बक्खुआ लेई जांदी ऐ । आलसपणे दा पाप ही असां जो विनती करने तैं, परमात्मा दे बारे च गहरी गल्ला तोपणे च, परमात्मा दे आर्शीवादां प्रतिज्ञां जो धारण करने कनै अपनाणे तैं रोकदा ऐ, कनै इसतैं सर्वनाश होंदा ऐ । परमात्मा अपणिया बाणिया च ग्लांदा ऐ कि “ जेकर अज तुसां तिसदा शब्द सुणां, तां अपने मनें जो पत्थर नां बणाऽ।” (इब्रानियो 3 : 7-8) कितणे आदमी इसी वास्तैं खत्म होई गे कि तिहनां अपना कल्याण कुसी दुए ठीक मौके ओणे तीक टाली – ता कनै हाय ! तिहनां जो सैह फिर कदी मौका नीं मिल्ला । औणे व्हाला कले दा दिन तां सबनां ताई कोई पक्का नीं ऐ ।

कच्छुए दी उपरली खोपड़ी ज्यादा करी नैं टोणे – टोटकें कनै जादूगरां बक्खुआ कम्मैं लिआई जांदी ऐ जेहड़ी असां जो जादू – टोणे, भूत सिद्धि तैं विशुआस कनै भरोसा करने व्हाले पापे दे कम्मैं जो दस्सदी कनै ठोकरे ते विसुआस भरोसा उठालदी ऐ । खास करी नैं म्तयाने, दुःख बीमारी, विलाप कनै शोक दे वेलैं असां जो ठोकरे दी दोहाई देणी चाही दी कनै छुटकारे ताई तिस पर भरोसा रखणा चाही दा न कि अपने खरे जां बुरे भाग पर भरोसा करिए कैह कि परमात्मा हमेशा मदद करने ताई तत्पर रहन्दा ऐ ।

“जाहलू लोक तुसां नैं ग्लान कि ओझेयां कनै तांतरिएं तैं जाई पुच्छा जेहड़े गुणगुणादे कनै फुसफुसांदे हन ।” ताहलू तिज्जो एह ग्लाणा चाही दा कि प्रजा जो परमात्मा दे व्हाल जाई नहीं पुच्छणा चाही दा ? क्या जीन्देयां ताई मुर्देयां तैं मुच्छणा चाही दा ? तां उहनां लोकां जो जबाव देया जो किछ परमात्मा ग्ला करदा उस वास्तैं ध्यान देया तिसदी चेतावनी कनै राहे दी चर्चा करा । जे सैह लोक इनां वचनां पर न

चलण न बोलण तां पक्क ऐ तिहनां ताई भ्याग नीं होणी ।” (यशायाह 8 : 19, 20)

जिसलै तुसां इसा छोटिया देई पोथिया पढ़ा दे हन, परमात्मा तुसां सौगी बोला दा ऐ, कनै तुसां जो कुआऽ करदा ऐ, सदा दा ऐ कि अपने पापां ताई पछताई करी अपने जीणे जो तिसदे सामणै अर्पित करी देया । अपर जेहड़ी कछुए दी आत्मा जेहड़ी दिले बिच ऐ, मन तुहाड़ा परचाई छडदी ऐ तां जे परमात्मा दे बक्खुआ तै तुसां अपने फैसले जो टालदे जा कनै तुसां दे दिल बिच डर भरोई रहै ।

परमात्मा यीशू इस संसारा च इसी वास्तै आया कि जितणे वी मौता तै डरयो जीवन भर दास बणेयो हन तिहनां जो मुक्ति दें— छुड़ाई लै ।” (इब्रानियों 2 : 15) अपर टालणे कनै सरमाणे व्हाली आत्मा तुहाड़े दिले जो पत्थरे लेखा पक्का बणाऽ करदी ऐ, जाहलू तिवकर की कछुए दी उप्परली खोपड़ी जा खल्लड़ीया लेखा पक्की पत्थर नां होई जाए, सैल – सप्पड़ नां बणी जाए ।

(5) चीत्ता : इक मता ही खतरनाक कनै खूंखार जानवर ऐ । घिरणा, गुस्सा कनै तौला ही बुरा मनाई लैणे व्हाला स्भौ माहणुआं दे दिलां पर राज करदा ऐ कनै अक्सर मारने ताई चुक्कदा ऐ । खरी गल्ल तां एह ऐ कि अपने गुस्सैल स्भौ जो मन्नी लेया कनै यीशू नै प्रार्थना करा कि सैह तुसां जो इसतै मुक्त करै कनै इसा बुराईया पर काबू पा । परमात्मा दा वचन पढ़दे हन कि “तुसां दी अक्खां च गुस्सा नां औऐ ।” (उत्पत्ति 45 : 5) “गुस्से तै परां रेहा, कनै इस माढ़े हठ जो छड़ी देया । मत कुढा, इसतै बुराई निकलणी ।” (भजन संहिता 37 : 8) “गुस्सा तां क्रूर कनै तबाहिया व्हाला होंदा ऐ ।” (नीतिवचन 27 : 4)

“अपणे मने चा गुस्सा ते दुःख दूर करा । कैह कि गुस्सा मूर्खा दे दिला च रहैन्दा ऐ । इस वास्तै अपने मनें तै खेद कनै देहा तै दुःख

दूर करा।”

“हुण तुसां इहनां सबनी यानि गुस्सा, रोष, बैरभाव, निन्दा कनैं मुहे तैं गालीं बकणा छडी देया।” (कुलिस्सियों 3 : 8)

मते लोक देए हन जेहड़े अपने गुस्से जो अगैं चली बदला लैणे दी भावना च ठंडा करी लैदे हन, अपर “तिहनां दा शराब सप्पां कनैं काले नागां दे जहरे लेखा बणी जांदा ऐ।” (व्यवस्था विवरण 32 : 33) गुस्से च आई पापी दिले की बदला लैणा मिट्ठा लगदा ऐ, अपर देहयां तैं परमात्मा ही बदला लेई छुटकारा पान्दा ऐ। प्रभु यीशू ने ग्लायी कि “अपणे पड़ोसी की अपने लेखा ही प्यार कर कनैं अपने दुश्मणे नैं वी प्यार रख।”

(6) सप्प : शैतान नैं सप्पे दा रूप धारण करी अदन दे बगीचे च हब्बा जो वी ठगोया कनैं परमात्मा सौगी आदम कनैं हब्बा दे मधुर सम्बन्धे जो बगाड़ी ता। शैतान जड़ा गिरी चुक्का सुर्गदूत ऐ, आदम कनैं हब्बा दे परमात्मा कनैं खरे सम्बन्ध दिक्की जली भुनोया, जाहलू जिन्नी दिक्खेया कि सैह संसारे पर काब्ज हन कनैं परमात्मा कनैं तिहनां दा धार्मिक रिश्ता ऐ। शैतान नैं लूसीफर दा जेहड़ा भ्यागा दा चमकणे वाले तारे लेखा ऐ, तिसदी ठाहर लेई लई कनैं ईर्ष्या नैं भरोई तिन्नी आदम कनैं हब्बा दे नाश करने दी योजना बनाई कनैं परमात्मा सौगी तिहनां दे अनोखे रिश्ते कनैं मौजा दिया जिन्दगिया दा नाश करने च सफल होया। श्रेष्ठगीत 8 : 6 च पढ़ेदे हन कि “ईर्ष्या कब्र लेखा निर्दयी – निष्पूर ऐ।” ईर्ष्या माहणू दे दिले बिच दूएआं दे सुख – चैन जो खत्म करने दे बुरेयां बिचारां ल्योन्दी ऐ, कनैं मार – मुकाए ताई चुक्क दिंदी ऐ। एह खास घटना वियाहे जीवन च अक्सर होंदी ऐ। व्यापार कनैं जीवन दे दुएआं खेतरां च एह नीं ग्लाने व्हाला दुःख कनैं घिरणा जो पैदा करदी ऐ। एत्थू तिक्कर कि मसीह कार्यकर्ता, प्रचारक कनैं धार्मिक

माहणू कनै सेवक ईर्ष्या दे बुरे प्रभावे तैं बची नीं सक्के हन, जाहलू सैह दिक्खदे हन कि परमात्मा दुए जो उहनां तैं ज्यादा फायदा देआ करदा ऐ। तिहनां ताई भलाई इस्से च ही ऐ कि सैह इसा गल्ला दी लगातार चौकसी रक्खण कनै जलवे जलने दे पापां तैं अपने आप जो बचाई रक्खण कनै सैह परमात्मा दे पवित्र प्यारे नैं भरोई जान।

(7) मीनक : मिट्टी खांदा ऐ। एह लालचपन कनै लोभे दे पाप की दस्सदा ऐ जेहड़ा सारिया बुराइयां दी जड़ ऐ। (1 तिमोथी 6 : 10) कान्गो देश च कुछ दे मीनक वी पाए जान्दे हन जेहड़े मकोड़ियां जो एत्थू तीक खांधे दिक्खे गे हन कि तिहनां दा पेट फटी गेया कनै मरी गे। लोभी कनै लालची माहणू गरीब कनै बेसहारेयां दी मदद करने जो तियार नीं होदे ; कनै नां ही अपने दिले तैं हत्थां खोड़ी दान देणे दे इच्छुक होदे हन, अपर सैह हर संभव तरीके नैं क्या सैह खरी जां धोखेवाजी दा होऐ, इस संसारे दे धन – दौलत जो कठेरने कनै बधाणे दी कोशिश करा करदे हन, कनै भुली जादे कि अखीरा च एह कीड़े कनै काई कन्नै नष्ट-खत्म होई जांगे। परमात्मा यीशू नैं आपू गलाया – “अपणे ताई इसा धरतू पर दौलत कट्टी मत करा जित्थू कीड़े कनै काई बिगाड़दे हन, कनै चोर सहन्न लगादे कनै चुरादे हन। पर अपने ताई सुर्गे च पैसा कट्टा करा, जित्थू न तां कीड़े नां काई बिगाड़दे हन, कनै न जित्थू चोर सहन्न लगादे कनै चुरादे हन। कैह कि जित्थू तेरा धन ऐ तित्थू तेरा मन वी लगी रैहगा।” (मत्ती 6 : 19-21) आकान अपने खानदाने समेत इस ताई खत्म होया कैह के तिहन्नी अपना मन सुन्ना चांदी कनै वेशकीमती पत्थर कनै कीमती कपड़ेयां किट्ठे करने च लाई रक्खेया। (यहोशू 6)

यहूदा इस्कारयोती, जेहड़ा यीशू दे चेलेयां च इक था, अपने आप जो फांसी लगुआई खुदकशी करी लेई कैह कि धने दे लोभ नैं तिसजो

अपणे परमात्मे कनै गुरुए जो पकडुआणे व्हाला वणाई ता ।

इक अमीर मूर्खे दी कहाणी इस लेखा ऐ – “कुसी धनवान आदमी दी जमीना च मती फसल होई । ताहलू सैह् अपणे मनं च एह सोचना लगा कि मैं क्या करां कैह् कि मेरे व्हाल एत्थू जगह नहीं, जित्थू मैं अपणिया फसला की रक्खी सक्कां । तिन्नी ग्लाय़ा – ‘ मैं एह करगा, मैं अपणियां बखारियां तोड़ी नैं तिहना तैं बड्डी बणांगा कनै तित्थू अपणा सारा अनाज कनै दौलत रखगा ।’ अपणी जानां नैं ग्लांगा – “ हे जानी, तेरे व्हाल मतेयां सालां तैं दौलत रक्खी ऐ चैनां नैं खा पी कनै सुखी रहै ।” अपर परमात्मा नैं ग्लाय़ा – “ओए पागला ! इससै ही राती तेरे प्राण तेतैं लेई लैगा, ताहलू तूं जो कुछ जोड़ेया ऐ , सैह् कुदा होंगा ? (लूका 12 : 16-21) “ जे आदमी सारे संसारा जो पाई लै कनै अपणे प्राणां गुआए , तां तिसजो क्या फायदा होंगा ? जां आदमी अपणे प्राणां दे बदलैं क्या दिगा ?” (मरकुस 8 : 36-37)

यीशू नैं फही ग्लाय़ा – “अपणे प्राणां दी चिन्ता मत करैं कि असां क्या खोगे, कनै अपणे शरीरा जो क्या पुआगे । कैह् कि खाणे तैं प्राण कनै कपड़ेयां तैं शरीर बह्धी कैं ऐ । अपर परमात्मा दे राज दी खोज च रेहा, तां एह चीजां वी तुसां जो मिल्ली जांगिया, अपणे वास्तैं सुर्गे च देह्या धन – पैसा कठेरा जेड़ा घटदा नहीं । (लूका 12 : 22-34)

(8) शैतान : सारे झूठां दा बब्ब ऐ कनै तिहनां दा वी जेहडे झूठ घढ़दे हन । ओह् केइयां पापां जो कराने ताई चुक्कां दिंदा ऐ कनै लोकां दे दिलां पर राज करणे व्हाला ऐ । यीशू ग्लांदा ऐ – “तुसां अपणे पियो शैतान लेखा हो, कनै अपणे बब्बे दी इच्छां की पूरियां करना चांहदे हो । सैह् तां मुंहडो तैं खूनी ऐ कनै सच्चाइया पर टिक्केया नीं रेह्या कैह् कि सच्चाई तिस बिच ऐ ही नहीं । जाहलू सैह् झूठ बोलदा ऐ तां अपणे र्मौ तैं ही बोलदा ऐ कैह् कि सैह् झूठा ऐ . नहीं तां झूठ

दा बब्ब ऐ।” (यूहन्ना 8 : 44)

छः चीजां नै यहाँबा बैर रखदा ऐ, तिह्यां तां सत्त हन जिह्नां नै तिसजो नफरत ऐ। ग्लाणे दा मतलव ऐ – घमन्डे नै चढ़ियां अक्खां, झूठ बोलणे व्हाली जीभ कनै बेकसूरे दा खून बगाणे व्हाले हथ, बुरी कल्पना घढ़ने वाला मन, बुरा करने जो तेजी नै न्हठणे व्हाले पैर, झूठ बोलणे वाली गबाही कनै भ्रां दे बिच झगड़ा पैदा करने व्हाला आदमी।” (नीतिवचन 6 : 16 -19)

(9) तारा : हर इक माहणुणं दे दिले दे अन्दर दे दिमाके की दस्सदा ऐ। एत्यू तस्वीरा च तारा गन्दगिया कनै बुराइया कनै मौता दी दशा जो दस्सदा ऐ। जाणी बुझी पाप करने नै आदमी दी अक्खां देइयां अन्नियां होई जान्दियां हन कि सैह् अपने कित्तयो कम्मां जो पन्छाणी नीं पान्दा ऐ। एह् बुरी बुद्धि कदी शान्त रैह्दी ऐ तां कदी चिन्ता नै दुःखी। सैह् कसूरबार ठहरान्दा ऐ जाहलू कि तिसजो छमा करना चाहिदा कनै छमा करदा ऐ ताहलू जाहलू तिसजो कसूरबार ठहराणा चाहिदा। आत्मा साफ ग्लां दी ऐ कि “औणे व्हाले समेयां च कितणे लोक भरमाणे व्हाली आत्मां कनै दुष्टात्मां दी सिक्खेयां पर मन लगाई विसुआसे नै बहकोई जांगे। एह् तिह्नां झूठे माहणुआं दे कपटे बदैलत होंगा, जिह्नां दा विवेक मन्नां जलदे लोहे नै दागेया – जालेया गया ऐ।” (तिमोथी 4 : 1-2 इब्रानियों 10-22)

(10) अक्ख : परमात्मा दी अक्खी माहणु दे दिले कनै जिन्दगी दी सबनी गल्लां जो दिक्खदियां हन। तिसदियां अगू नै मगदियां अक्खां बिच किछ वी छुप्पया नीं ऐ, इस्सी वास्तं सैह् माहणुणं दे दिले च पाई जाणे व्हाली सब्बोई गुपचुप छुप्पियां भावनां कनै विचारां जो खरा करी जाणदा कनै दिक्खदा ऐ। भौआं एह् बुरे कम्म तुसां घोर न्हेरे च कित्ते होन, परमात्मा दी अक्खां सब दिक्खदियां हन कनै तिसतै कुछ वी

छिपेया नीं ऐ। तस्वीरा च अक्खां आदमी दी नुहारी दे रूपे जो दस्सदियां हन।

(11) अग्गा दी छोटियां—छोटियां जीभांड : ए जीभांड परमात्मा दे प्यारे जो दस्सदियां हन जिह्नां पापी दे दिले जो चाऊं बक्खेयां तैं घेरी पाया ऐ। जाहलू कि परमात्मा पापे तैं नफरत करदा ऐ तां सैह आदमीए नैं वी प्यार करदा ऐ, कनैं तिसदे मरने नैं खुश नीं होंदा ऐ, अपर एह चान्हदा ऐ कि पापी आदमी पछतौआ करै कनैं जीन्दा रहै। परमात्मा यीशू इस संसारे च पापियां जो ही बचाणा आया। इक पापी दे मन फिराणे च सुर्गे च मता नन्द होंदा ऐ। अगू दी निक्कियां जीभांड यीशू दे खूने – लहू जो दस्सदियां हन ! “यीशू परमात्मा दा भेम्णा ऐ जेहड़ा संसारे दे पापां जो अपने सिरे पर चुक्की लैंदा ऐ।” (यूहन्ना 1 : 29)

(12) सुर्गे दा दूत : परमात्मा दी वाणी जो दस्सदा ऐ। परमात्मा चाहन्दा ऐ कि पापे दे बोझे नैं दबोएओ सब्बो ही मर्द—जणासां नैं गल्ल बात करा, जिसतैं सैह पछतौ करन कनैं परमात्मा दे प्यार कनैं लोई जो अपने दिले च औणा दिन।


(13) कबूतर : पवित्रता कनैं सच्चाई दी आत्मा दा निशाण ऐ जेहड़ा पाप कनैं धार्मिकता कनैं परमात्मा दे बक्खैं माहणू जो बेजबाब करदा ऐ। पवित्रात्मा एत्थू माहणू दे दिले बाहर ऐ। पवित्रात्मा तित्थू रेही नीं सकदा ऐ जित्थू पाप राज करदा ऐ। जे इसा तस्वीरा च दिखाए गे दिले दा वर्णन तुसां दे दिले दी दशा जो परगट करदा ऐ कनैं तिमनैं मिलदा ऐ, तां तुसां परमात्मा दी दुहाई देइए। परमात्मा दे सामणैं अपने दिले जो खोल्ली देया कनैं तिसदी वाणी दी ज्योत जो अपने दिले च चमकणा देया। परमात्मा यीशू मसीह पर विमुआस कर तां तेरा कल्याण होंगा। (प्रिचित 16 : 31) परमात्मा चाहदा ऐ कनैं तिसारे वी ऐ, कैंह

कि तुसां दे दिले जो बदलने दी तिहन्नी विनती किती ऐ , कि तुसां दे अन्दर नौआ दिल कनै नौई आत्मा दै। दूर्इया तस्वीरा च इसा गल्ला पर ध्यान दिंगे।

दुई तस्वीर

एह तस्वीर इकसी पछताणे व्हाले दे दिले जो दस्सदा ऐ जेहड़ा परमात्मा जो तोपणा शुरू करदा ऐ। सुर्गे दा दूत इक तलवार पकड़ी खड़ोत्ता ऐ जेहड़ा परमात्मा दा वचन ऐ – “ परमात्मा दा वचन जीन्दा कनै तेज कनै हर इक दोधारी तलवारां तैं वी पैन्ना धारदार ऐ। जीव कनै आत्मा जो, कनै गट्टी-गट्टी कनै गुदे-गुदे जो बखरा करी आर-पार बिहन्नदा ऐ, कनै मनै दी इच्छां-विचारां जो परखदा ऐ।” (इब्रानियों 4 : 12) परमात्मा दा वचन तिसजो याद दुआंदा ऐ कि “पापे दी मजूरी मौत ऐ।” कनै “आदमिए ताई इक बरी मरना कनै तिसदे वाद फैसले दा होणा निश्चत किता गया ऐ।” (इब्रानियों 9 : 27) सबनीं पापियां कनै विसुआस नीं करने व्हालेयां दी किस्मत अग्गी दी शीला च होंगी जेहड़ी अग कनै गन्धकू सौगी जलदी ऐ।

अपणे दूए हत्ये च सुर्गे दे दूतै इक खोपड़ी पकड़ियो ऐ। एह पापे जो याद करांदी ऐ कि असां सबनी जो मरना ऐ। असां दी एह देह जिसजो असां इतणा प्यार करदे, छैल कपड़े पुआदे, खुआन्दे-पिआदे कनै संवारदे हन, तिसदी दिखभाल करदे कनै ख्याल रखदे हन तां जे एह शरीर वासना कनै तिसदी मंगां जो पूरियां करी सककै। अपर इक दिन इस नाशवानै शरीरा मरी जाणा कनै चिक्का च मित्ती सड़ी जाणा, जाहलू की असां दी आत्मा कनै जीवात्मा सदा ताई जीन्दिया रहणा, कनै इक दिन तिसा जो परमात्मे दे फैसले व्हाले सिंहासने दे सामणै खड़ोणा पौणा।



दूई तस्वीर : पापां दे खलाफ पक्का दिल ।

एत्यू असां दिखदे हन कि पापी परमात्मा दे वचनां दे संदेश पर ध्यान देणा शुरू करदा ऐ कनै परमात्मा दे प्यारे वस्तुं अपणे दिले जो खोडदा ऐ । पवित्रात्मा तिसदे पापी कनै दिले दे न्हरे व वमकणा शुरू

करी दिंदी ऐ। इस वास्तै प्यारे पाठक, यीशू मसीह जो जेहड़ा संसार दा प्रकाश ऐ, अपने दिले च समाई लेया कनै पापे व्हाले बुरे कम्मां जो दिले तै कढी देया जिह्यां कि तस्वीरा च दिखाया गया ऐ। परमात्मा यीशू ने ग्लाय़ा – “संसार दा प्रकाश मैं आं, जेहड़ा मेरे पिच्छै चलगा सैह न्हेरे च नीं रैहगा अपर जीवन दे प्रकाशे जो पांगा।” (यूहन्ना 8 : 12) तुसां अपने आप कोशिश करी समझी नै अपने दिले दे न्हेरे जो दूर करने च कामयाब नीं होंगे। सब तै सरल, पक्का, तौला, सबतै प्रभावी इक ही तरीका ऐ कि तुसां यीशू दी जोत हन, अपने दिले च समाणा देया, कनै बुराई पाप ऐ, कढ़णा ई पौणी। चन्द्रमा कनै तारे न्हेरिया राती च असां दी किछ मदद करी सकदे हन, अपर जाहलू सूरज निकली चुक्का ऐ, ताहलू न्हेरा कनै छोटी-छोटी रौशनियां छिपी जांदियां हन जां गुम होई जांदियां हन। परमात्मा यीशू ही धर्मै दा सूरज ऐ जिसदी किरणा नै लोक खरे होई जान्दे हन कनै पापे दा न्हेरा निकालेया जांदा ऐ। जाहलू यीशू यरूश्लेम दे मन्दर च गया तां तिन्नी उहना सबनीं जो मन्दरे तै बाहर कढी ता जेहड़े बैलां, भेडां जां कबूतरां दा व्यापार करदे थे। तिन्नीं तिहनां नै ग्लाय़ा “मेरा घर प्रार्थना दा घर ग्लाय़ा जांगा पर तुसां इस जो डाकुआं दा अड्डा बणाई छड़ेया ऐ।” (मत्ती 21 : 13)

त्री तस्वीर

एह तस्वीर इक सच्चे पछतादे पापी आदमिए दे दिल दी हालता दस्सा करदी ऐ। हुण सैह तिहनां मतेयां पापां तै नफरत करदा ऐ जेहड़ा विकरालता दस्सदा ऐ कनै जिसदे कारण यीशू जो क्रूस पर चाढी मारेया गया। जिह्यां ई सैह क्रूस पर दिक्खदा ऐ, जिसजो सुर्गे दा दूत-परमात्मे दा बचन जो दस्सदा ऐ तां सैह क्रूस तिसदे दिले की तोड़ी दिंदा ऐ कनै सैह अपने केईयां किन्ते पापां ताई

दुःखी, अफसोस करदा कनै पछताणा लगदा ऐ।



त्री तस्वीर : पछतौआ करने वाला दिल।

एह सच्ची घटना ऐ कि यीशू जो कोडे मारे गे, कडेयां दा मुकुट पहनाया गया, तिसदे हथ-पैरां च बेरहमी नै भेखां ठोरियां गेइयां कनै असां दे ही पापां दे बदलै सैह क्रूस पर मारेया गया। एह सब्बो घटना

साफ-साफ गहराईया नैं पछतादे आदमी दे दिले च असर करदियां हन कि तिसदा दिल कनैं जिन्दगी बदली जांदी ऐ , जिह्यां-जिह्यां सैह परमात्मा दे वचनां जो पढदा जांदा ऐ , तां सैह अपने जो तिह्यां ही दिक्खदा जांदा ऐ, जिह्यां शीशे च दिखदा कनैं पता लगांदा ऐ कि सैह परमात्मा कितणी दूर होई गया ऐ कनैं तिसदे हुकमें खिलाफ अपराधी बणी गया ऐ । हुण तिसजो बड़ा धार्मिक पछता होंदा ऐ कनैं जाहलू सैह

अपने दिले जो परमात्मा दे सामणैं रौंदा – विलाप करदा खोड़ी दिंदा ऐ तां यीशू वी तिसदे नेहड़ैं औंदा ऐ । जाहलू सैह एह पता करना लगदा ऐ कि “परमात्मा दे पुत्र यीशू दा लहू असां दे सब पापां साफ करदा ऐ तां परमात्मा दा प्यार कनैं शान्ति तिसदे दिले च समांदी ऐ ।” (यूहन्ना 1 : 7) सैह एह वी जाणना लगदा ऐ कि “यहोवा टुटेयो मनां व्हालेयां दे नेहड़ैं रहन्दा ऐ , कनैं पिहोयां दा कल्याण करदा ऐ ।” (भजन 34 : 18) परमात्मा दी वाणी अगैं बोलदी ऐ कि मैं तिस बक्खैं दिक्खगा जेहड़ा दीन कनैं अफसोस मनाणे व्हाले मने दा होऐ , कनैं मेरी गल सुणी थरथरांदा होऐ । पवित्रात्मा यीशू मिट्टी वाणी तिसजो सुणांदा ऐ कि “हे पुत्र (पुत्री) हौंसला बहन्न, तेरे पाप मुआफ होए ।” जाहलू की सैह अजे तीक मसीह दे क्रूस की इकटक लगाई दिक्खा दा ऐ , जित्थू यीशू तिसदे पापां दे बदले मारेया गया । फिरी सैह एह पता करना लगदा ऐ कि हुण तिसदे पापां दा भार चुक्की लेया गया ऐ , कैह कि यीशू नैं असां दे दुःख, शोक कनैं गम जो झेलेया कनैं अपने उप्पर लेई लेया, कैह कि “सैही (यीशू) असां दे अधर्मा दे कम्मां ताई कुचलेया गया कनैं यहोवा ने असां सबनां दे अधर्मे दा भार तिसी पर लदी-ता ।” (यशायाह 53)

पवित्रात्मा तिसदी आत्मा च गबाही दिंदा ऐ कि तिसदे पापां दी मुआफी होई गई ऐ कनैं किरपा बक्खे तैं हुण सैह परमात्मा दी सन्तान

बणी गया ऐ। (रोमियों 8 : 16) असां जो तिसदे मतलव यीशू दे खूने दे बदलै छुटकारा, कसूरां दी मुआफी तिसदिया तिस किरपा दे पैसे दे मुतावक मिल्ला ऐ। (इफिसियों 1 : 7) देहा दे बक्खे तैं पापे दी सब इच्छां जो पूरा करने दी जगह हुण परमात्मा दे ताई जीन्दा रहणे कनै तिसदी सेवा करने दी पक्की इच्छा तेज होंदी जांदी ऐ, “जिह्नीं पहलैं असां नैं प्यार कित्ता संसार कनै संसारे दी चीजां नैं प्यार रखणे दे बदलैं हुण सैह परमात्मा कनै तिसदी गल्लां नैं प्यार करना लगदा ऐ।

इसा तस्वीरा च पाप दस्सणे व्हाले सब जीवजन्तु हुण दिले दे बाहर होई गे हन, हालांकि शैतान अनणे पहले दे रहणे व्हालिया जगह जो छडतो दा इच्छुक नहीं ऐ, इस ताई सैह पिच्छै घुम्मीं नैं दिक्वा दा ऐ कि कुसी तरीके नैं तिस च समाई सककै। इस्सा ई गल्ला यीशू ने चेतादैं गलाया कि असां जागदे कनै विनती करदे रेहिए कनै शैतान दा मुकाबला करिए तां सैह असां तैं दूर नहड्डे। (याकूब 4 : 7)

चौथी तस्वीर

एह तस्वीर तिस मसीही दी ऐ जेहड़ा परमात्मा कनै कल्याण करने व्हाले यीशू मसीह दे बलिदाने नैं पूरी शान्ति कनै छुटकारा पाई चुक्का ऐ कनै हुण सैह कुसी गल्ला दी बड़ाई नी करदा – “सिवाय परमात्मा यीशू मसीह दे क्रूस दा जिस कनै संसार तिसदी नज़रा च कनै सैह संसार दी नज़र च क्रूस पर चढ़ाया गया ऐ।” (गलतियों 6 : 14) सैह खम्भा वी जिस पर परमात्मा यीशू जो तिहनां दे कपड़े तुआरने तैं बाद बन्नेया गया था – इसा तस्वीरा च दस्सेया गया ऐ। कन्नैं ही सैह कोड़ा वी दस्सेया गया ऐ जिसनैं तिसजो वेरहमिया नैं मारेया गया था। सैह स्हाड़े ई पापां दी बजह तैं जख्मी कित्ता गया कनै असां दे अधर्मां दे कम्मां दे वास्तैं कुचली ता गया। असां दी शान्तिया ताई तिसजो पिटेया

गेया तां जे तिसदे कोडे खाणे नैं असां ठीक होई जाइए। (यशायाह 53 : 5) हेरोदेश दे लोकां यीशू दा हास्सा उड़ाया कनैं सुन्ने दे मुकुट पुआणे दे बदलै, तिसजो कोड़े मारी नैं तिसदे सिरे पर कंडेयां दा ताज रखी नैं तिसजो दबाया। इसदे बदलैं कि यीशू दे हत्था च बादशाह द राजदण्ड देइए। तिहनां तिसदे सज्जे हत्थे च सरकण्डा रखी ता कनैं तिसदा हास्सा उड़ादे ग्लाय़ा – “हे यहूदियां दे राजा ! तेरी जय हो।”

चौथी तस्वीर : यीशू सौगी क्रूस पर चढ़ेआ माहणू।



फिरी तिसदा तिस्सी सिरकण्डें ने सिर पिट्टिया। इस तरीके ने बड़ी वेशर्मिया कनैँ वेरहमियां नैँ हास्सा उड़ाने दे बाद तिहना तिसजो क्रूस पर चढ़ाणे ताई बाहर लेईं गे।

अज नाएं दे केईं मसीह हन जेहड़े गिरजाघरेयां च पूजा करदे हन, प्रभु भोज चैं अपने भाग दा हेस्सा लैँदे हन, परमात्मा दी स्तुतिया दे गीत गादे हन। अपर सैह् अपने बुरे कम्मां दे कारण लगातार अपने परमात्मा यीशू जो दुःखी करदे कनैँ क्रूस पर दुबारा चढ़ादे हन। जेहड़े मेरे नैँ 'हे परमात्मा, परमात्मा' ग्लाँदे हन, तिहनां चैं हर इक सुर्गे च नी जाईं सकदा, तिहनां चैं सैही जाईं सकदा जेहड़ा मेरे पिता दी इच्छा पर चलदा ऐ। (मत्ती 7 : 21-27) इसा तस्वीरा च असां पैसे (दौलत) दी थैली दिक्खा दे जेहड़ी इस्कारियोती दी ऐ जिन्नीं अपने परमात्मा यीशू जो 30 चान्दी दे टुकड़ेयां च बेची ता। कैह कि पैसे दे लोभे नैँ तिसदे दिल कनैँ मनैँ दी अक्खां जो अन्नां करी ता था। लालटन कनैँ जंजीर तिहनां सिपाहियां दे बक्खैं तैं कम्मैं लाया गया जिहनां नैँ यीशू जो राती दे समें गरिपतार किन्ता था। तिहनां कन्नैँ चिट्ठी पाईं यीशू दे कपड़े वी बंडी दित्ते थे कनैँ परमात्मा दी भविष्यवाणियां जो पूरा किन्ता था कि "सैह् मेरे कपड़ेयां जो आप्पू चैं बंडदे हन कनैँ मेरे पहरावे पर चिट्टियां पादे हन।" (भजन संहिता 22 : 18) तिहनां यीशू तैं सब कुछ खोही लेया देणे तैं नां करदेयां ग्लाएआ "असां नीं चांहदे कि एह् आदमी असां पर राज करै।"

भाले कनैँ सिपाहियां यीशू दे पंजर कनैँ दिले जो छीली-बिन्नी दिन्ता "तिसचैँ तौला ईं खून कनैँ पाणी निकलेया।" (यूहन्ना 19 : 33-37) कुक्कड़े दी बांगा तैं पहलैं त्रै बारी पतरस नैँ यीशू ताईं इन्कार किन्ता कनैँ तिसतैं बाद सैह् जार-जार रोंदा रेह्या। क्या तुसां अपणी गवाही कनैँ कम्मैं तैं यीशू जो मन्नीं लैँदे हन ? जां आदमियां दे सामणैँ यीशू


दा इकरार करने तैं शर्मदि हन । यीशू ने ग्लाय़ा “जेहड़ा कोई लोकां सामणैं मिंहजो मन्नी लैगा, तिसजो मैं वी अपने सुर्गे दे पिता दे सामणैं मन्नी लैगा, पन्छाणी लैगा । अगर कोई लोकां सामणैं मिंहजो पन्छाणने तैं मुकरगा तिसतैं मैं वी अपने सुर्गे दे पिता दे सामणैं पन्छाणने तैं मुकरी जांगा ।” (मत्ती 10 : 32-33) यीशू नैं एह वी ग्लाय़ा कि “ जेहड़ा अपना क्रूस लेई मेरे पिच्छैं नां चल्लै सैह मेरे काबिल नीं ।” (मत्ती 10-38) धन्न हन सैह जेहड़े चट्टाना पर जित्थु मसीह ऐ , तिसा पर अटल खडोई रैहदे ।

पंजमी तस्वीर

एह उस पापी आदमी दे धोते कनैं पवित्र किस्ते दिले दी तस्वीर ऐ जाहलू सैह परमात्मा दी किरपा कनैं दया तैं बचाया गया ऐ । एह दिल हुण परमात्मा दा सच्चा घर कनैं त्रिदेव-परमात्मा पिता, पुत्र कनैं पवित्रात्मा दा निवास स्थान ऐ, जिह्यां कि यीशू ने प्रतिज्ञा किती थी कि “जे कोई मिंहजो नैं प्यार रखै, तां सैह मेरे वचन जो मनगा, कनैं मेरा पिता तिसनैं प्यार करगा, कनैं असां तिस व्हाल औंगे कनैं तिसदे कनैं बसगे ।” (यूहन्ना 14 : 23) “ परमात्मा यीशू मसीह दे बक्खैं गरीब माहणुआं दी इज्जत करदा, असीरवाद दिंदा कनैं तिहनां जो उप्पर चुकदा ऐ ।” (लूका 1 : 52)

हुण एह दिल परमात्मा दा सच्चा मन्दिर बणी गया ऐ । पाप तिसदे दिले तैं दूर किता गया ऐ । शैतान जेहड़ा झूठे दा पियो ऐ , तिस तैं प्रभावित अलग-अलग जानवरां दे बदलै हुण असां, पवित्रात्मा कनैं सच्चे दी आत्मा जो तिसदे दिले च रैहदे कनैं राज करदे दिखदे हन । आत्मा दे फल पैदा होणे दा भेत इस च ही है कि सैह मसीह च कनैं मसीह कनैं तिसदा वचन तिस च समाया रहन्दा ऐ ।(यूहन्ना 15 : 1-10)

हुण जाहलू कि सैह पवित्रात्मा नैं भरोई गया ऐ कनैं तिसदा बपतिस्मा पाया ऐ , ते शरीरक इच्छेया व्हाली वासना पर काबू करि माहणू अपनी पुराणी मनुखता जो क्रूस उप्पर चढ़ाई दिंदा ऐ।



पंजमी तस्वीर : परमेशरे दा मन्दर।

पवित्रात्मा दी समर्थ नैं सैह आत्मा दे मुतावक चली नैं शरीरा दी इच्छां पर जित्त हासिल करदा ऐ। हुण सैह दिखणे, सुणने कनैं

सोचणे दे मुताबक नहीं अपर विसुआस नैं जीन्दा रहन्दा ऐ , कैह कि यीशू मसीह पर विसुआस करना ही संसार पर जित्त पाणा ऐ । तिसदी एह जीन्दी इच्छा ऐ कि सैह अपने परमात्मा यीशू जो महिमा समेत दिखगा कनैं इस लेखा परमात्मा दे प्यार चैं डुब्बेया रैंहदा ऐ जेहड़ा बड़े समें तीक रैंहन्दा ऐ ।

“धन हन सैह जिन्हां दे मन साफ सुथरे होंदे हन, कैह कि तिहनां परमात्मा जो दिक्खणा ।” (मत्ती 5 : 8) दाऊद राजा, अपनी सारिया दौलता समेत कनैं बाहरले दुश्मणां दे उप्पर जित्ते होए इस गल्ला जो खरा करी जाणदा था कि सब तैं बड़ी लड़ाई अपने आप दिले च लड़ा करदा ऐ । इसा गल्ला सैह अपनी अन्दरूनी जरूरता जो जाणदे होए एह विनती करदा ऐ कि “ हे परमात्मा । मेरे अन्दर शुद्ध साफ मन पैदा कर, कनैं मेरे अंदर टिकियो आत्मा नौएं सिरै तैं पैदा कर ।” (भजन संहिता 51 : 10) कोई तिस काबल नीं ऐ कि अपने दिले जो साफ करी सकै कनैं न अपने मने च शुद्ध मन पैदा करी सकदा ऐ , सिवाय इसदैं कि सैह पछतादे दिले नैं परमात्मा दे बकवैं फिरै जिह्यां कि दाऊद नैं कित्ता कनैं परमात्मा नैं विनती करै कि तिसदे अन्दर साफ मन कनैं नौआं दिल पैदा करै । परमात्मा तुसां दे जीवन च नौआं कम्म करने दी इच्छा रखदा ऐ । परमात्मा दी नज़रा च धार्मिकता मैलेयां चिथड़े कपड़ेयां साईं ऐ कनैं सैह असां दे दिले च परमात्मा दी रैंहणे दी जगह बणाई सकदा ऐ ।

परमात्मा तुसां दी मदद करने ताई तैयार ऐ कैह कि तिन्नी प्रतिज्ञा किती ऐ कि “ मैं तेरे पर शुद्ध पाणी छिड़कगा कनैं तूं शुद्ध होई जांगा कनैं मैं तिज्जो तेरी सारी अशुद्धता कनैं मूरता की साफ करगा । मैं तिज्जो नौआं मन दिंगा कनैं तेरे अंदर नौई आत्मा जगांगा । तेरे शरीरा चैं पत्थरे दे दिले निकाली इक नरम दिल दिंगा ।

इसा तस्वीरा च असां दिक्खा दे हन कि इक सुर्गे दा दूत फिरी परगट होआ दा ऐ। सुर्गदूत जो तिहनां लोकां दी सेवा ताई नियुक्त कित्ता गया ऐ जड़ा अनन्त जीवन पाणे दे वारिस होंगे, कैह कि “यहोवा दे डरवैयां दे चाऊं बक्खैं तिसदा दूत छाया करी तिहना जो बचाई रखदा ऐ।” (भजन संहिता 34 : 7 ; 91 : 11, दानिएल 6 : 22 ; मत्ती 2 : 13 ; प्रेरित 5 : 19 ; 12 : 7-10)


इसा तस्वीरा च शैतान वी खड़ोत्तेया सुझा दा ऐ जेहड़ा आदमी दे दिले दे नेहड़ैं खड़ोई मौका तोपा दा कि फिरी अपणी पुराणिया जगह च जाई बस्सिए। इसी ताई असां जो हुकुम दिता गया ऐ कि जागदे रेहा कनैं विनती करदे रेहा कैह कि असां दा विरोधी शैतान गरजणे व्हाले शेरे लेखा इसा खोजा च रैहदा ऐ कि कुस जो फाड़ी खाइए।” (1 पतरस 5 : 8) ज्यादा करी शैतान परकाशे दे दूते दा रूप धारी नैं पवित्र लोकां कनैं भक्तां जो जागणे विनती करने च जेहड़े सुखाई ते गेयो हन, तिहनां संसारे दी बुरी वासनां कनैं शरीरक इच्छां दे बक्खैं भकांदा कनैं गिणदा फिरदा ऐ कनैं अपणी फितरती चाला नैं किछ गिणुआं लोकां की भी धोखा देणे की कोशिश करदा रहन्दा ऐ। इस वास्तैं जे असां शैताने दा मुकाबला करिए तां सैह दूर न्हठगा। (याकूब 4 : 7)

छेमीं तस्वीर

एह तस्वीर पिच्छैं तिलकणे व्हाले आदमी दी दुःखी तस्वीर ऐ। तिसदी अक्ख बन्द होणा लगियो ऐ। एह परगट करा दी ऐ – हुण सैह ठण्डा होणा शुरू होई गया ऐ कनैं अपने मसीही जीवन च वेफिक्र होई सोआ दा ऐ जाहलू कि दूई अक्ख वेशर्मिया नैं चाऊं बक्खी दिक्खा दी ऐ कि संसार च प्यार-वासना करा। तिसदी अन्दरूनी लो हुण मद्धम पेई गेई ऐ कनैं तिसजो दिले दा निशाण जिसने सैह मसीह वास्तैं दुःखां

जो झेलणे ताईं तिआर रैहन्दा था, हुण मधम पेईं गेईं ऐ कनैं धर्मीं नीं रेही गेईं ऐ। सैह चुबकखे तैं म्तयानां नैं घिरेया ऐ कनैं तिहनां दा मुकाबला करने दे बदलैं तिस च डिग्गदा कनैं फसदा जा दा ऐ।

छेमीं तस्वीर : शशोपंजे च फस्सेया-बंडोया दिल।



परमात्मा दी मिट्ठी वाणी सुणने दे बदलें, हुण सैह शैतान कनेँ तिसदी मूर्खता नैँ भराइयो झूठी कसमा बक्खें ध्यान देणा लगा ऐ। हालांकि सैह हुण वी विसुआसा दी तपस्या करना गिरजाघरै जांदा ऐ कनेँ धर्मा दे आड़ा च अपणी संसारिक इच्छां जो छुपाई रखदा ऐ, अपर परमात्मा दा प्यार तिसदे दिले च ठण्डा पेई चुक्का ऐ। सैह दूई विचारां दे बिचकार फसी करी दो चित्ता होई गया ऐ। सैह परमात्मा दे प्यार रखणे दा सुआंग रचदा तां ऐ अपर ज्यादातर संसारा बक्खें खिचदा जा दा ऐ। तिसदे दिले दा तारा मतलब दिमाग मधम पौंदा जा दा ऐ।

मोरे दी आत्मा जेहड़ी घमण्डे दा प्रतीक हुण तिसदे दिले च समाणा चांहदी ऐ। सैह इसा गल्ला भुल्ली जान्दा ऐ कि सैह दया करी नैँ बचाया गया था कनेँ हुण सैह घमण्डी मसीह बणी गया ऐ। शराबी तिसदे दिले दे दरवाजे पर छेड़ करदे समाणा चांहदे हन। शैतान तिसजो दस्सदा ऐ कि खास मौकेयां पर संसारिक दोस्तां नैँ साथ रखणे च तिसदे आत्मिक जीवन च कोई खराबी नीं आई सकदी।

जे असां शैतान जो इक औंगली वी देइए तां सैह असां दे पूरे हत्थे जो पकड़ी लैंगा कनेँ असां दे प्राण आत्मा जो अनन्त काले तीक लेई जांगे। इस वास्तैँ असां परमात्मा दी इस खास गंभीर चेतावनी बक्खें द-यान देइए कि असां जुआनी दी इच्छां तैँ दूर न्हटिठए कनेँ पापां नैँ नां खेलिए। भौआं सैह कुसी वी रूपे च परगट होऐ। यीशू मसीह दे व्हाल औइए कैँह कि तिस च ही असां दी जित्त कनेँ छुटकारा, मुक्ति ऐ कनेँ सैही छुड़काने व्हाला कनेँ जिताणे व्हाला ऐ।

इसा तस्वीरा चा एह वी दस्सोया ऐ कि इक आदमी दिले की छूरा ऐ मारा दा, जेहड़ा मसीही धर्म दे खिलाफत कनेँ मजाक उड़ाने वालेयां जो दस्सदा ऐ। देह्या सैह कपटी जीभा कनेँ मजाक उड़ाने व्हाले होंठां नैँ करदे कनेँ मसीहियां दे दिलां जो दुःखी-जख्मी करदे हन कनेँ तिहनां


जो बंडदे हन तां जे फुट पोए कनै बक्करे होन, नाश होन ।

दौलता दा लालच दा दिला च घुसी औणां आसान ऐ इस्सी वास्तें परमात्मा यीशू ने साबधान करदैं गलाया – “जागदे कनै विनती करदे रेह्या तां जे तुसां म्तयाने दे चक्करे च न फसा ।” (मत्ती 26 : 41) “इस वास्तैं जेहड़ा समझदा ऐ कि मैं सदा ताई स्थिर ऐं सैह चौकस रैह कि कुथकी डिगी नां पोए ।” (1 कुरि० 10-12) “असां परमात्मा दे सब हथियारां की बहन्नीं लैणा ऐ तां जे शैतान दी साजशां दे सामणैं खड़ोई सक्किए ।” (इफिसियों 6 : 11-18)

सत्तुई तस्वीर

एह तस्वीर आदमी दे पिच्छैं तिलकदिया दशा जो दस्सदी ऐ । इक समें सैह परमात्मा दे पुत्तर यीशू मसीह बक्खें तैं मुक्ति बारे च जाणकार था, सुर्गे दे बरदानां दा सुआद चक्खी चुक्का था कनै पवित्रात्मा दी संगता च शामिल था । अपर हुण नीच होई गया, गिरी चुक्का ऐ । एह तिस आदमी दे दिले दी दशा वी दस्सदी जिन्नी खरिया खबरा दी सच्चाई जिंसा जो ‘खरा सनेढा’ ग्लादे हण, तिसजो सुणेया, पर अपने पापां ताई कदी पछताएया नीं न दीन होई अपने जो परमात्मा सामणैं भेंट कित्ता ।

पिच्छैं फिसलणे व्हाले दी दशा दा वर्णन करदे होए यीशू आपु बोलदे हन कि “जाहलु अशुद्ध आत्मा आदमीए चैं निकली जांदी ऐ तां सुक्कियां जगहां च आराम तोपदी फिरदी ऐ कनै जाहलु नीं पांदी तां ग्लांदी ऐ कि मैं अपने तिस्सी घरे च जित्थू तैं निकली थी मुडी जांगी । कनै आई नैं इसा जो झाड़दी बुआरदी सजेया सजाया पांदी ऐ । ताहलु सैह जाई अपने तैं बुरी सत्त आत्मां जो अपने सौगी लेई औंदी ऐ कनै सैह तिस च बेही नैं वास करदी ऐ कनै तिस आदमिए दी पिछली हालता



सत्तुई तस्वीर : भटकोया पक्का दिल ।

पहले तैं वी बुरी होई जांदी ऐ ।” (लूका 11 : 24 – 26) “तिहनां पर एह कहावत खरी उतरदी ऐ – कि कुत्ता अपणिया मुंहा तैं कित्ती उलटिया वास्तें कनैँ धोतियो सूरनी चिकड़े च विहलटणे ताईं फिरी चली जांदी

ऐ।” (2 पतरस 2 : 22) बाईबल धर्मशास्त्रे दी इहनां आइतां पिच्छै फिसलेयो जां नी पछतौआ करने व्हाले पापी आदमिऐ दे दिले दी दशा जो साफ-साफ समझदी ऐ। एत्थू पाप अपणिया सारिया धोखेवाजिया कनै दिले च रहणे कनै राज करने जो आई गया ऐ। एत्थू तीक कि तिसदा मुंह वी तिसदे दिले दी दशा जो परगट करदा ऐ। पवित्रात्मा कनै तिस नरम कबूतरे जो वी लाचार होई नै तिस दिले जो छड़णा पेया कैह कि पाप कनै पवित्रात्मा इक सौगी नी रैही सकदी ऐ। एह नामुमकिन ऐ कि दिल परमात्मे दा मन्दिर बनी रैह कनै शैताने दी सुरंग वी बणी रैह।

सुर्गदूत मतलव परमात्मा दा वचन वी दुआसिया ने तिसदे दिले जो छड़णा पेया तां वी आशा उम्मीदा सौगी सैह पिच्छै दिक्खदा ऐ कि हुण वी सैह पछतौआ करै जिहयां उड़ाऊ पुत्रै गलाया – “ मैं हुण उठी नै अपने पियो व्हाल जांगा कनै तिस नै ग्लांगा कि पिता जी, मैं सुर्गे दे विरोध च कनै तुसां दी नज़रा च मैं पाप कित्ता ऐ। हुण इस जोग नी कि तेरा पुत्तर ग्लोआं, मिहंजो अपने इक मजदूरे लेखा रखी लेया।” (लूका 15 : 18) इस पिता नै अपने पुत्तरे जो पछतांदे दिक्खी तिसजो मुआफ़ कित्ता कनै अपने घरे च फिरी बास दित्ता।

इसा तस्वीरा जो दिखणे तै पता लगदा ऐ कि तिसदे दिले च कोई सच्चा पछतौआ हायनीं न ही परमात्मा दे बक्खें मोड़ने दी इच्छा ऐ। न ही यीशू दे चरणीं व्हाल जाई नै मुआफी तोपणे – पाणे दी इच्छा ऐ। तिसदा विवेक मन्नां देह्या ऐ कि गर्म लोहें नै दागेया गया होए कनै चुप करी दित्ता होऐ। तिस व्हाल कन तां ऐ अपर सैह यीशू दे नरम कनै मिट्ठे वचनां जो सुणी नी सकदा ऐ। तिस व्हाल अक्खीं तां हैन अपर सैह नरके दे अणमुक डुहगे कुन्डे जो दिक्खी नी सकदा। एह होई सकदा कि सैह हुण वी बाहरे तै खरा भलामाणस कनै आदर करने जोग


लगदा होऐ कनै धार्मिक भक्ति दा दिखावा रखदा होऐ अपर सैह चूना फेरिया कब्रा लेखा ऐ जेहड़ी उपपरे तैं छैल दुस्सै अपर अन्दरे तैं मुडदेयां दी हाड्डियां कनै सब्बो किस्मा दी मैलां नैं भराइयो ऐ।” (मत्ती 23 : 27) इस लेखा झूठेयां दा पियो, शैतान नैं सच्चे दी आत्मा मतलव यीशू मसीह दी जगह पर कब्जा करी रखेया ऐ। हर इक जानवर पापे जो परगट करदा ऐ जेहड़ा हुण खास दुष्टात्मा सौगी तिसदे दिले च समाया ऐ। हालांकि सैह अपणे आप जो इहनां वुरियां सताणे व्हाली दुष्टात्मा तैं आजाद करना चांहदा ऐ अपर हुण तिहनां तिसजो इहयां बहन्नी रखेया ऐ कि मुक्ति पाणा कठिन ऐ। “जाह्लु की मूसा दी व्यवस्था जो नीं मनणे व्हाला दो जां तिन जणेयां जो गुआइया पर बिना दया तैं मारी दित्ता जांदा ऐ। तां सोची ले कि सैह कितणे कनै बड्डे दण्डे जोग हैन जिन्नी परमात्मा दे पुत्रे जो पैरां नैं रौदेया, कनै वाचा दे खूने जो जिन्नी पवित्र ठहराया था, अपवित्र जाणेया ऐ कनै किरपा दी आत्मा दा अपमान कित्ता ऐ।” (इब्रानियों 10 : 28, 29, 2 पतरस 1 : 14)

प्यारे मित्रो, जे तस्वीर तुसां दे दिले नैं मिलदी ऐ तां बगैर देरी कित्तेयां तुसां परमात्मा जो याद करा कनै दिले दी गहराई नैं तिसदी दुहाई देया। “सैह (यीशू) तिहनां दा पूरा कल्याण करी सकदा ऐ कैह कि सैह तिहनां ताई विनती करने जो सदा जीन्दा ऐ।” तिस कोढ़ी आदमिए लेखा औआ यीशू ने ग्लाय, “हे परमात्मा ! जे तूं चाहें तां मिंहजो शुद्ध करी सकदा ऐ।” यीशू ने जबाव दित्ता— “मैं चांहदा आं तूं शुद्ध होऐं। कनै तौलै ही कोढ़ जांदा रेह्या कनै शुद्ध होई गया।” (मरकुस 1 : 40 – 41, 42) जे तुसां अपणे दिले जो पक्का करगे कनै लोई दे बदलैं नेहरे नैं प्यार रखगे तां तुसां ताई बचणे दी कोई उम्मीद नहीं ऐ, नां कोई मदद मिलगी, कैह कि जीणे दिया जगह पर तुसां मौत जो चुणेया ऐ। कैह कि पापे दी मजूरी मौत ऐ। (रोमियो 6 : 23)

अठमीं तस्वीर

इसा तस्वीरा च असां तिस कमटालक कनै बड़े पापी जो मौता दे व्हाल पुजदे दिक्खा दे हन तिसदा सारा शरीर पीड़ा नै कनै आत्मा (फुक) मौता दे डरे नै भरोई गई ऐ। मौत जेहड़ी हड्डिया दे ढांचे दा रूप ऐ, चाणचक कनै बिना इच्छां तैं समें पर आई गई ऐ। पापे नैं खेलणे दा थोड़े समें दा सुख इक धोखा कनै हुण सैह वी जांदा रेह्या। पापे दी असल हालत अपणी मजूरिया दे रूपे च परगट होई गई ऐ जिसदा सैह सब मुकाबला करदा ऐ। नरके दी पीड़ां अपणे शिकारे पर पंजा जमाणा लगियां हन सैह विनती तां करना चांहदा ऐ, अपर परमात्मा दे सौगी गल – बात नीं करी सकदा ऐ, कैह कि काफी समें तिक्कर तिहन्नी परमात्मा दे प्यारे जो ठुकराई दिता। तिसदे दोस्त हुण तिसदे विस्तरे व्हाल खड़ोने तैं डरा दे हन कनै सुणयो वचनां तैं सन्तुष्ट नीं होंदे। दुराचार कनै जुल्म तैं कमाया पैसा नां तां तिसदे जीवन जो बधा दा ऐ कनै नां ही तिसदी आत्मा कनै प्राणां जो बचाई सकदा ऐ। सैह बड़े सकते कनै पीड़ा च पेया ऐ। शैतान तिसजो परमात्मा दी गल्लां बक्खैं ध्यान लगाणे तैं रोकदा ऐ।

हुण हर चीज जिसा नैं तिन्नीं प्यार कित्ता कनै जिस वास्तें सैह जीया हुण तिसदा मजाक उड़ादे लगा दी ऐ। एत्थु तिक्कर की तिसदे विसुआस न करने जोग कनै खबरै मन न फिराए होए पादरी वी मजबूर हन, कैह कि तिन्नी परमात्मा दी किरपा जो ठुकराई ता कनै परमात्मा दे हुकमें तैं दोषी ठहराया जाई चुक्का ऐ। तिसजो हुण पता लगणा लगी पेया ऐ कि “जीन्दे परमात्मे दे हत्ये पौणा खतरनाक गल्ल ऐ।” (इब्रानियों 10 : 31) तिसजो उमीद थी कि इक दिन कुसी ठीक समें पर मौता दी सेजा पर, परमात्मा कनै सैह अपणा रिश्ता ठीक करी नैमेल-मिलाप करी लैगा, अपर हुण तिसजो पता लगगी गेया ऐ कि मती



ਅਠਮੀਂ ਤਸਵੀਰ : ਪਾਪੀ ਦਾ ਡੰਡ ।

ਦੇਰ ਹੋਏ ਗੇਏ ਹੈ ਕਨੈਂ ਕੁਛ ਬਣੀ ਨੀ ਸਕਦਾ ਏ । ਹਜ਼ਾਰਾਂ ਮਾਹਨੂ ਚਾਣਚਕ ਮਰੀ ਜਾਂਦੇ ਹਨ ਕਨੈਂ ਤਿਹਨਾਂ ਜੋ ਮੌਤ ਹਰ ਚੀਜ਼ ਜਿਸਾ ਨੇ ਪ੍ਯਾਰ ਕਿਤੇਯਾ ਕਨੈਂ ਜਿਸਾ ਤਾਏਂ ਜੀਏਆ, ਸੇਜਾ ਪਰ ਮੌਕਾ ਹੀ ਨੀਂ ਮਿਲੀ ਪਾਨ੍ਦਾ ਏ ਕਿ ਸੈਹ


परमात्मा जो तोपी सक्के कनै मिली सक्कै। इस वास्तै जरूरी ऐ कि असां परमात्मे जो इसे समें तोपिए जाह्लू कि सैह मिली सकदा ऐ।

परमात्मा दे शान्तिपूर्ण कनै बचाणे व्हाले शब्दां जो सुणने दे बदले सैह मरदा होया पापी माहणू हुण अपने इन्साफे देयां बोलां जो सुणदा ऐ कि “हे शापित लोको, मेरे सामणें तें उस अनन्त अग्गी च चली जा, जेहड़ी शैतान कनै तिसदे दूतां ताई तिआर किच्ची गई ऐ।” (मत्ती 25 : 41) कैह कि “ माहणुआं ताई इक बारी मरनां कनै तिहनां वास्तै इन्साफ दा होणा शर्त रखी गई ऐ।” (इब्रानियों 9 : 27)

नौवीं तस्वीर

एह तस्वीर इक देहे मसीही दी दशा जो दस्सा दी ऐ जेहड़ा कठिन छानवीणां कनै म्त्याहने चैं जितदे कनै जगदे होया निकलेया ऐ। जाह्लू कि चाऊं बक्खें सैह परीक्षां च घिरेया था, सैह हर दशा च स्थिर बणी रेहा कनै अखीरा तीक झलहदा रेहा कनै यीशू मसीह दे बक्खें तैं जयवन्त तैं वी बधी कैं निकलेया। सैह सिर्फ मसीही दौड़ा च शामिल ही नीं होंदा ऐ अपर तिसनैं घुलदा रेही हौंसले नैं दौड़दा है। सैह नां सअें दिखदा ऐ कनै नां खब्बैं अपर “विसुआस करदा कनै सिद्ध करने वाला यीशू बक्खें दिखदा रैंहन्दा ऐ।” (इब्रानियो 12 : 2)

शैतान अपनी सारिया न्हेरिया फौजा सौगी मसीह दे विशुआसियां जो चाऊं बक्खे तें घेरी रखणे दा फिजूल ई कोशिश करदा ऐ कि तिहनां की अपने बक्खें भकाई नैं डिगाई दै। घमण्ड, धने दा लोभ, बुरे कम्मां दी दुष्टात्मा कनै देयो दे होर पाप वी एत्थू दिखाए गे हन। चीते दीया जगह पर हुण असां इक गधा दिक्खा दे हन, कैह कि मती बरी असां व्हाल अलग-अलग किस्मा कनै नां नैं औंदा ऐ। अपर सचेत, जागृत कनै सतर्क मसीही पापे जो पन्छाणी करी समझी सकदा ऐ। पाप कदी



नौवीं तस्वीर : जितणे ब्हाला दिल ।

धर्मा दिया आडा चैं धर्मे दे नाणं नैं औंदा ऐ तां कदी प्रकाशा दे सुर्गदूते
दिया आडा च परगट होंदा ऐ जिसजे विनती करने ब्हाला सजग मसीही

पन्छाणी सकदा ऐ , कैह कि परमात्मा दा ग्लाय कनै सच्ची आत्मा सच्चाइया दे रस्ते च तिसदी अगुआई करदी ऐ । तस्वीरा च इक आदमी अपने हथ्ये च शराबा दी बोटल कनै गिलास लेई इस मसीही दे चौऊं बक्खै नच्चा दा ऐ कनै संसारे दी वासनां कनै थोड़े समें दे सुखे दी परीखेया च तिसजो फसाई नैं डिगाणे दी कोशिश करा दा ऐ । अपर परमात्मा जो अर्पित कित्ते गे मसीही दे उप्पर तिसदा कोई असर नीं पौंदा कैह कि तिसजो अपने आप जो यीशू क्रीस्ट दे कनै पापां कनै संसारी दी बुराइयां दे ताई क्रूसे पर चढ़ाया ऐ ।

इसा तस्वीरा च दूआ आदमी मसीही जो अपणिया तलवारा नैं बिहन्ना दा ऐ । बुराई करना कनै बोलणा चुगली करना कनै निन्दा कनै हास्सा पाणा कनै क्रिस्ट विरोधी दुश्मणा पास्सें डर-डरौ दी धमकी देणा कनै नाम दे मसीहियां बक्खुआ डराणा-धमकाणा सच्चे विसुआसी मसीही दे दिले च लगेया तार कटारा ने बिहन्नणे बराबर ऐ । अपर सैह लोकां दे ग्लाणे दियां गल्लां दी परवाह न करी तिस वास्तैं मरेयां लेखा ऐ । परमात्मा क्या ग्लांदा ऐ कनै क्या चांहदा ऐ इसदे बक्खै सैह सदा जागेया रैहदा ऐ । यीशू नैं ग्लाय “धन हन तुसां, जाहलू आदमी मेरिया गल्ला तेरी निन्दा करै कनै सताए कनै झूठ बोली नैं तेरे विरोध च सब किस्मां दी बुरी गल्लां ग्लाय तां खुश कनै मस्त होणा कैह कि तेरे ताई सुगें चैं बड़ा फल ऐ ।” (मत्ती 5 : 11, 12)

पाप शरीर दी इच्छा (सुआर्थ) कनै शैतान लगातार इसा गल्ला दी कोशिश करदा ऐ कि तिस मसीही जो परमात्मा दे प्यार तैं दूर करै । अपर बड़े मजे कनै पूरे भरोसे दे कनै सैह सच्चीमुची ग्लाय सकदा ऐ कि “मिंहजो परमात्मा दे प्यारे तैं कुण बखरा करी सकदा ऐ ? क्या क्लेश जां दुःख जां उपद्रव जां अकाल जा नंगाई जां जोखिम जां तलवार । अपर इहनां सबणां गल्लां तैं असां तैं जिहन्नी प्यार कित्ता; जयबन्त तैं वी बह्धी नैं ऐं ।” (रोमियो 8 : 35, 37)

परमात्मा दे सारे हथियार जो पुरोणे तैं वाद सैह दुष्ट दा कनैं बुरे दिन दा मुकाबला करने जो तिआर ऐ कनैं यीशू मसीह तैं सब म्हतयानां पर जित्तू होन्दा ऐ, कैह कि मसीह यीशू वी सारियां परीखेयां पर जयबन्त होया कनैं तिसदी ताकत च विसुआस रखणे वाले वी जित्ती सकदे हन तां जे बड़ियार्या दा मुकुट पोऐ।

तारा जेहड़ा तिसदा दिमाक ऐ सैह साफ सुअच्छ कनैं चमकदा ऐ। तिसदा दिल विसुआसे नैं कनैं पवित्रात्मा सौगी भरोचा ऐ। सुर्गदूत जेहड़ा परमेशरे दा वचन ऐ, जिसजो तिहनां कीमती वचनां— पकिआइयां दी याद दुआंदा ऐ— जेहड़े तिहनां जो दित्ते जादे हन, जेहड़े जयबन्त होदे हन कनैं अखीरा तीक हिम्मत धारी रखदे हन। “जड़ा जित्तै मैं तिसजो जीवन दे पेड़े तैं परमेशरे दे सुर्गलोकें चैं फल खाणां दें।”

“जेहड़ा जित्तै— तिसजो दूइया मौता तैं नुकसान नीं पुजगा।” जेहड़ा जय पाए, तिसजो मैं गुप्त मनैं तैं दिंगा कनैं तिसजो इक चिट्टा पत्थर दिंगा, कनैं तिस पत्थरे पर इक नां बी लिखेया होंगा, जिसजो तिसजो पाणे दे अलावा होर कोई नीं जाणगा।” आत्मा फिरी ग्लांदी ऐ कि “जेहड़ा जित्त पाए कनैं मेरे कम्मां दे मुतावक अखीरा तक तिहनां कम्मां करदा रहै। मैं तिसजो जाति — जाति दे लोकां पर अधिकार दिंगा।” “जेहड़ा जित्त पाए, तिसजो इस्से ई लेखा चिट्टा कपड़ा पुआया जांगा कनैं मैं तिसदा नांऽ जिन्दगी दिया किताबा च कुसी ढंगे नै न कटगा अपर तिसदा नांऽ अपने पिता कनैं सुर्गदूते दे सामणैं मन्नी लैगा।”

“जेहड़ा जित्त पाए, तिसजो मैं अपने परमात्मे दे मन्दर च इक खम्भा बणांगा, कनैं सैह फिरी कदी बाहर नीं निकलग्गा। जेहड़ा जित्त पाए, मैं तिसजो अपने कनैं सौगी सिंहासने पर बठालगा, जिह्यां मैं वी जय पाई अपने पिता सौगी तिसदे सिंहासने पर बैठी गेया। (प्रकाशित वाक्य 2 : 7, 11, 17, 26, 3 : 5, 12, 21)

पैसेयां दी खुल्ली थैली इसा गल्ला जो दरसदी ऐ कि नां सिर्फ तिसदा दिल, अपर तिसदा पैसा वी परमात्मा जो भेंट कित्ता गया ऐ। अपनी दौलत जो अपने सुआर्थ च खर्च करने दे बदले, सैह गरीबा दी मदद करदा ऐ, अपना दशमाश दिंदा ऐ, अपनी भेंट एत्थू तीक की अपना सब कुछ परमात्मा जो देई दिंदा ऐ कनै तिसदी बढ़ियाई ताई फाइदे च ल्योदा ऐ।

रोटी कनै मच्छी इसा गल्ला जो दस्सा दी ऐ कि सैह इक पवित्र शुद्ध कनै संजमी जीवन जींदा ऐ। सैह नशीले पेय जां खून जो खाणे तैं जां गला घुटयो मासे जो खाणे तैं जां कुसी होर किस्मा दे अशुद्ध खाणे ते अपने आप जो अपवित्र नीं करदा ऐ। सैह अपणिया दौलता जो वरवाद नीं करदा ऐ कनै नां अपने शरीर बुरी आदतां च पेई तैं जां नशीली चीजां दा सेवन करी नैं बिगाड़दा ऐ। कैंह कि सैह जाणदा ऐ कि तिसदा बदन जीन्दे परमात्मा दा मन्दर ऐ। सैह नां पान— तमाकू खांदा न पीदां ऐ न नशे व्हाली दवाइयां दा सेवन करदा कनै न शराब नै मस्त होंदा ऐ अपर सैह सन्तुलित शुद्ध कनै सेहत बधाणे व्हाला खाणा खांदा ऐ। तिसदा दिल परमात्मा नैं विनती करने दी जगह बणी गया। सैह तपस्या ताई लगातार गिरजाघर च इतवारे जो जांदा ऐ। सैह प्रार्थना सभा च जाणा पसिंद करदा ऐ कनै अपनी किल्लिया विनतिया च परमात्मा दा संग साथ रखद ऐ कनै आपू वी अपनी किल्लिया विनतिया च परमात्मा नैं संग साथ रखदा ऐ। तिसदा अपना दिल प्रार्थना दा घर बणी गया ऐ।

खुल्लियो किताब इसा गल्ला दस्सा दी ऐ कि बाईबल धर्मशास्त्र तिस वास्ते इक खुल्ली किताब ऐ, जिसा जो सैह रोज पढ़दा, पढ़ाई करदा कनै बुद्धि, समझ, ताकत, जीवन, प्रकाश कनै अणुमुक धन जो पांदा ऐ। बचन हुण तिसदे पैरे ताई प्रकाश, रस्ते दा चानणा कनै इक तलवार देई होई गया ऐ जिस कनै सैह दुशमण दा मुकाबला करदा कनै

जितदा ऐ। सैह तिस वास्तैं रोजे दा आत्मिक खाणा ऐ कनैं जीवन दा पाणी ऐ जेहड़ा तिसदी आत्मिक पियासा जो बुझांदा रैंहन्दा ऐ कनैं सैह अपने आप जो दिखदा ऐ।

सैह अपने क्रूस जो चुक्की नैं मसीह यीशू दे पिच्छैं चलणे तैं हुण शरमान्दा नीं ऐ, अपर मते प्यारे कनैं नम्रता सौगी अपने प्रभु दे चरणीं दे निशाणां पर चलदा ऐ। सैह जाणदा ऐ कि बगैर क्रूस दे जां पीड़ा अल्यो मुकुट नीं मिलदा। सैह जाणदा ऐ कि मसीह दे सौगी सैह जिआया गया ऐ तां जे नौई जिन्दगी गुजारै, इस वास्तैं सैह सुर्गे दी चीजां दी तोपा च रैंहन्दा ऐ जेहड़ीयां मते समें तीक बणी रैंहन्दियां हन। संसार कनैं तिसदियां चीजां बक्खे तैं तिसदी इच्छेया खत्म होंदी जांदी ऐ। सैह अपने परमात्मा नैं मिलणे ताईं तिआर ऐ। सैह तिस रुक्खे लेखा ऐ जेहड़ा पाणिए दे नेहड़ें लगाया गया होऐ कनैं अपने मौसमे च फल दिंदा होऐ। सैह मौता तैं डरदा नहीं, कैह कि पवित्रात्मा दें बक्खे परमात्मा दा साधेया, सिद्ध कित्ता प्यार तिसदे दिले च अणमुक भरोया ऐ।

दसमीं तस्वीर

प्रभु यीशू ने ग्लाय़ा – “दुआरा जीवन पाणा, तरक्की करना कनैं जीवन मै ही आं, जेहड़ा कोई मिंहजो पर विसुआस करदा ऐ सैह जे मरी वी जाए तां भी जीगा। कनैं जेहड़ा कोई जीन्दा ऐ कनैं मिंहजो पर विसुआस करदा ऐ, सैह अनन्त काल तीक न मरगा।” (यूहन्ना 11 : 25 – 26)

“मैं तिज्जो नैं सच ग्लांदा ऐ, जेहड़ा मेरा वचन सुणी नैं मेरे धलणे व्हाले की मेहसूस होआ दा ऐ, अनन्त जीवन तिसदा ऐ। तिस पर कोई डंड नीं लगदा, अपर सैह मौता दे पार होई नैं जीवन च समाई चुक्का ऐ। (यूहन्ना 6 : 24)

मसीहियां जो मौता दा कोई डर नीं ऐ कैह कि परमात्मा दा वचन तिसदे दिले च एह गवाही दिंदा ऐ कि “एह नाशवान शरीर अविनाश जो परोई लैगा, कनै एह मरनजोग अमरता जो परोई लैगा, ताहलूं एह



दसमीं तस्वीर : इज्जता सौगी सुर्गे जो जाणा ।

वचन जेहड़ा लिक्खेया ऐ, पूरा होई जांगा, कि जय नैं मौता जो निगली लेया। हे मौत ! तेरी जय कुथू रेही ? हे मौत ! तेरा डंग कुथू रेह्या ? मौता दा डंग पाप ऐ कनैं पापे दी ताकत व्यवस्था ऐ। अपर परमात्मा दा धनवाद होऐ, जेहड़ा सहाड़े परमात्मा यीशू मसीह बक्खे तै सांहजो जितान्दा ऐ।” (1 कुरिन्थियों 15 : 54 – 57)

सैह आदमी जेहड़ा परमात्मा दे सौगी जीन्दा कनैं चलदा ऐ मौता तैं कदी डरदा नहीं ऐ। जाहलू तिसदे इस नाशवान संसार तैं कूच करी जाणे दी वेला औंदी ऐ ताहलू सैह बड़े मजे नैं जान्दा ऐ। जिह्यां कि पौलुस प्रेरित ग्लांदा ऐ, “मन तां करदा ऐ कि न्हट्ठी कैं मसीह व्हाल जाई रेंह्या, कैंह कि एह बड़ा ई खरा ऐ।” (फिलिप्पियों 1 : 23)

इक मसीही प्रभु यीशू दे मुखड़े जो दिक्खणा चांहदा ऐ जेहड़ा तिसदे कल्याण ताई क्रूस पर चढ़ी मरेया कनैं जी वी पेया। परमात्मा दे वचन नैं पवित्रात्मा तिसजो याद दुआंदी ऐ कि “तेरा मन व्याकुल न होऐ, तूं परमात्मा पर विसुआस रखदा ऐं, मेरे पर वी रख। मेरे पिता दे घरें मते रैहणे दे ठाहर हन।”

“कनैं मैं तुसां ताई जगह तिआर करना जान्दा ऐ। कनैं फही आई नैं तुहांजो अपने एत्थू लेई औंगा, तां जे जित्थू मैं रेहां तित्थू तुसां वी रेहा।” (यूहन्ना 14 : 1 – 3) जिह्यां लिक्खेया ऐ, कि जेहड़ी अक्की नीं दिक्की कनैं कननां नैं नीं सुणी, कनैं जेहड़ियां गल्लां आदमी दे मनें च नीं चढ़ियां, सैह ई हन, जेहड़ियां परमात्मा नैं अपने प्यार रखणे व्हालेयां वास्तैं तिआर कित्तियां हन। (1 कुरिन्थियों 2 : 9)

डरौणी खोपड़ी मतलव मौता दे बदले परमात्मा दा इक सुअर्गो दा दूत इस अखीरले चित्रे च सुझा दा ऐ। सैह तिस धर्मी ठराह्यो आत्मा परमात्मा दे व्हाल ले जाणे ताई रुक्कियो ऐ। तिसदा प्राण कनैं तिसदी आत्मा हुण मरणहार नाशवान शरीर तैं निकली करी खुल्ले दुआर तैं

सुर्गे च अपने परमात्मा यीशू नैं मिलणे जो उप्पर उठदी ऐ। सैह अपने परमात्मा नैं प्रेम रखदा था, तिस वास्तैं जीन्दा रेह्या कनैं मरेया वी। परमात्मा दी हाजरी च तिसजो आनन्दित- सुआगत कित्ता जांगा जित्थू तिसदा परमात्मा इहनां सिफारशां नैं भरोयो लफ़जा नैं तिस नैं मिलगा कि “ धन हे खरे कनैं विसुआसजोग दास तूं थोड़े नैं विसुआसजोग रेहा, मैं तिज्ञो मती चीजां दा अधिकारी बणांगा, अपने सुआमी दे आनन्द च हिस्सेदार बण !” (मत्ती 25 : 21) शताने दा अगे ताई तिस पर कोई असर नी पौगा। “ यहोबा दे भक्तां दी मौत तिसदी नज़रा च बड़ी कीमती ऐ।”

“मैं सुर्गे तैं एह आवाज़ सुणी कि “इसजो लिखी लै कि धन हन सैह जेहड़े उस परमात्मा दी सेवा च मरदे हन !” आत्मा ग्लांदी ऐ- “हां, कैह कि सैह अपणिया मिहणता दे बदौलत विश्राम पान कनैं तिहनां दे कर्म तिहनां कन्नैं- कन्नैं चलदे हन।” (प्रकाशित वाक्य 14, 13)

आखीरला उपदेश

प्यारे पाठक, परमात्मा तेरी मदाद करन तां जे तू अपना दिल तिस जो देई सककैं। जिन्नी तिज्ञो प्यार कित्ता कनैं गलाया ऐ कि “हे मेरे पुत्तर (पुत्री) ! अपना मन मेरे बक्खें लगा, मिंहेजो दे कनैं तेरी नज़र मेरे चाल चलने पर लगी रहै।” (नीतिवचन 23 : 26) अपने पक्केयो, दुआस दुःखे कनैं भारे नैं दबोयो दिल जो यीशू मसीह जो दे कनैं तिसदे सामणें खोहड़ी दे। सैह तिज्ञो नौआ नकोर दिल कनैं आत्मा दा नौआ दान करै। अपने दिले दिया धोखे दिया गल्ला मत औऐं नां अपने आप सुआर्थी इच्छां दे मुताबक चलतैं कैह कि “जेहड़ा अपने उप्पर भरोसा करदा ऐ, सैह मूर्ख ऐ, अपर जेहड़ा अपने दिमाके नैं चलदा ऐ - सैह बचदा ऐ। (नीतिवचन 28 : 26) अपने पापां जो छहू,

परमात्मा दी धार्मिकता दी खोज कर कनै तिरसी च समाई रहै कैह कि
 “पापे दी मजूरी तां मौत ऐ। अपर परमात्मा दा बरदान असां रे
 परमात्मा यीशू मसीह च अनन्त जीवन ऐ।” (रोमियो 6 : 23)

तां तूं जिन्नी अपणा जीवन परमात्मे दै हवालै करी ता ऐ,
 “तिहनां सारियां खरियां गल्लां जो जिहनां जो तैं मिहजो पौलुस तैं
 सुणियां हन, तिहना जो इस विसुआस कनै प्यारे सौगी जेहडियां यीशू
 मसीह च हन, अपणा आदर्श बणाई नै रख।” (2 तिमुथियुस 1 : 13)
 पौलुस अगैं ग्लांदा ऐ कि “मै जिसजो अनुभव किता ऐ, जाणोया ऐ,
 मिहजो विसुआस ऐ कि सैह मेरी धाती दी रखुआली करी सकदा ऐ।”
 अपने आप जो तिस परमात्मा च बणाई रख, विसुआस दी मूर्त यीशू
 बखलै प्यार रख, दिखवदा रहै। सैही सच्चा रस्ता, सच्चाई कनै जिन्दगी
 ऐ। अपने प्रेमी भगतां जो अपनी महिमा दी दुनिया च लेई जाणे जो
 तौला ई औणे व्हाला ऐ। “सैह राजेयां दा राजा कनै परमात्मेयां दा
 परमात्मा ऐ।” (1 तिमुथियुस 6 : 15)

“हुण जेहडा तिश्रो ठोकरां खाणे तैं बचाई सकदा ऐ, कनै अपनी
 मैहमा अगैं तिश्रो मगन कनै निर्दोष खरेडी सकदा ऐ। सैह अद्वैत
 परमात्मा असां दे कल्याणकर्ता दी मैहमा, गौरव, बहादुरी कनै अधिकार,
 ताकत असां दे परमात्मा यीशू मसीह पास्सैं जिहयां सनातन काल तैं
 मिल्लियो ऐ, हुण वी रहै कनै जुगां जुगां तीक बणी रहै। आमीन यानि
 दहेया ही होए ! (यहूदा 24, 25)।

A SPECIAL WORD FROM ANGP

UN MONDE SPÉCIAL DE L'ANGP

UMA PALAVRA SPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablettes, etc. de www.angp-hb.co.za



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class- teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, à l'école du dimanche ou lors de réunions de plein air. Soyez aimable de nous contacter pour assurer les derniers prix en cours du tableau.

As 10 imagens do coração, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coração" podem ser obtidos com características Europeias e Africanas e podem ser usados em conjunção com o mesmo livro em classes de ensino bíblico, evangelização ou ao ar livre. Agradecemos que nos contacta- se para confirmação do último preço dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

E-MAIL: info@angp.co.za

ALL NATIONS GOSPEL PUBLISHERS
PO BOX 2191
PRETORIA
0001
R.S.A.

A Gospel Literature Mission financed by donations
Une Mission de litterature evangelique financee de dons
Missao de literatura Evangelica financiada por donativos

(Reg. No. 1961/001798/08)